朱 止 泉 先 生 朱 子 聖 學 考 略

辛亥朱子六十二歲 必皆有以見其確然而 答陳君舉論學云嘗謂 **<** 則其目前雖未見日計之盆而積 止泉先生朱 ら、自分を文型ではなり 就 白高斌 假用意裝點不待 即 **今人為學旣已過高而傷巧是以** 心豈容別生計較依違遷就 東軒訂定 流其胸· 用力 不可易者至 人之す 略卷 為學若從 儀封張 支撐而聖賢之心義 於講論之際心即 累功夫漸 師 平 為諧俗 地 見端緒 一碗序加 理之

計 來 非 址 间 獨 辨 病 盡不足以暢彼 句付之諸生又謂二十 詩說以書問之至是書來報云來徵詩說 年譜載是書於辛亥云朱子往 雖至 避咎之故而後 幽愛死亡 無面寫之期是以胃致愚悃 之未嘗落筆 叩之念長者前有長樂之爭後 一於遭 無 謑 此之懷合異 取辱然 日念此 恩見以 캢 於詞 华 至 也若 雅 今日此心耿 間 頌之 事 聞 同之 鄉 非 見異同無從 葳 某 音 趣 聞陳傅良 風引領不勝 之愚自信 | 無句| 有 人私 而不敢以為 耿猶 臨 年來 季 就 恨 君 恩 其言 篤 訓詁 馳 或 舉 朝 與 曹 悔 问

迟請嗣不遂經界之役得請後時不可舉手少須三 答吳斗南云某承攝於此忽已踰年疾病**侵凌**無 子答書云 復告歸矣李彦平所見趙顏子不 子聖學肯格內舍八 與言矣故朱子第以言之未暢答之而已 步吝驕以此益覺書不能宣要須請見究此恵曲耳朱 君舉所云三家其學術之謬與天道聖學相悖不 相夸毘燙失本旨蓋刻畫太精頗傷簡易矜持已甚反 其非而明其是乃以為刻釐太精頗傷簡易 **永康往還動數干言更相切磋未見其益** 云 而學者 五月 好

則 也 程 源 記憶 諸公行事頃年亦皆為之而未就今邵武印本所謂 恨之不知貿見之否然此等功夫亦未須作比 錄者 先生之言其門人恐米有承當得此衣鉢者此事儘 量未易以朝耕而暮穫也心不耐閒亦是大病此 後 Ţ 否其所論學 不能發此聽信身心也佛學之 、冥行終不能升堂賭與直 討論 是也當時編集末成而為後生傳出致此流 且當盡心 慣卻 þ 心路占今所以探戒玩物喪志 大意甚佳然恐於窮理功夫有 意根本之學此意甚善今人陷於 入聖賢之域也夏集 與吾儒 雖 來深 所未 政為 布 程 熈

所 謂句 前荷衡今人多錯說 然正 是說言必忠信行必篤敬念念不忘到處常若見此 說也如今更不可別求用力處 自得之之謂道 下,是是今天 不離心目之間耳如言見堯於羹見舜於牆豈是以 何敢如 句 謂 同事 此 不可测知如釋氏所云豁然大悟通身行 事 判 同 1/ C.M. / 、調耶聖 心異 同然而不 只是酒臣父子日 物 了故每流於釋氏之說先聖言 門所 而在身外耶 而非者 謂聞道聞只是見聞 只是持敬以窮理而 用常行當然之理 可不 明道 親

(理之發) 殄滅 間 說之大病 一書分別 昌 不是 何物仁 単オ 此尤 所論 見豈待心思路 不謂 天理若使 昏迷其本心而 H **義禮智豈不是** 然心思之正便是天理流行 明者 2 釋 也所 栬 氏 能 果見 而後天理乃見耶 領 云禪學悟入乃是 則威而 免俗 者 所當潛 、理君臣公 訓釋 知 天 運則 而有此言 耶 **遂通天下之** 凡此皆近 玩朱 ||父子兄: 讀 亦何必如此 心思路 子所謂 也 且 運 曲 一所謂 世淪 用 陷

来 禮 是第究積累豁然貫通當無思無為時此心道 領盛大一 立虚文故事也由日用常行事理而探究之從天 制行如西銘所云都是自心中一定皆備底道 哉所謂君臣父子日 領 其心即其言天地· 四 、物大原本體會來實見得天高地 學者略只卷八 不動之中驗之 神 會自心實 M 旦事來順應 有得處方是自得被誦讀者安能强 如見天地之心以自正其心 用常行當然之理者非徒拜 則威 辉氏 而遂通天下之故 如見聖賢之心以 下萬物散殊而 理

窮 而後天理之影響始見不能純是天理也嗚呼書中 超彦昭之不第 不至耳窮理 是半明半暗 理昭明運 理之至則仁 理不窮理則心思路絕天理殄滅僅虛靈之清氣 在窮理不窮理耳朱子與陸氏異者 用窮理不至則仁義禮智信親義序別 絕靜久生明之效豈有道 義禮智信親義序別信單然燦然無 天理與氣質夾 則 理後言釋氏之滅理其病皆原於 致其功為聖學之正宗也然學 無思無為即是心思之正皆本然之 雜用事必待心思路 理 者哉 在窮理 蓋儒 也 與 ドド

世界

学名

一名

一 知求其放心固為大惡然苟知其放而欲求之則即此 則其日增月益自將有欲罷而不能者矧以執事之明 知求之處一 按此曹所答至慰至微緊要在居敬以窮理其教斗 宗朱子要必窮理功夫 而加意爲則其見聞之憐參考之詳亦何適 之全已在是矣由是而持敬以存其體窮理以致其用 下手用工 氣象是掴養功夫未到又非朱子所窐於後學者矣 明方是朱子之學若心思正而思慮多無息息艮 一卻在前書中云嘗謂今之人知求雞犬而不 念悚然是亦不待別求入處而此心體 ī 止

子日人心常炯炯在此則四 辛亥春夏 位豈朝耕而暮穫哉 **技朱子年鹊庚戌四月任漳州此書云承攝踰年當在** 初 **虚寂流行運用無非天理非數十年功夫不能** 非玩物喪志盡倫常即是開道心體未咸卻非釋 本知行下手用功處必如此用功方透得讀書切已 地 正正に言 心有散緩時故立許多規矩來維持之但常常提 哉如其不然則是真為玩物喪志而已此數行 規矩內則此心不放逸而炯然在矣心旣常 H 體不待轉束而自入規矩 \exists 到 此 地 氏

叉日今人心鋒然在此尚無惰慢之氣況心常能惺惺者 者立下規矩守得規矩定便心也自定如言居處菸執事 默皆是行處且須於行處警省須是戰戰兢兢方可若悠 敬與人忠人能如是存守則心有不存者乎今又說存其 又日孟子說存其心雖是緊切卻似你事蓋聖人只為學 悠沉沉地過則又不可 叉曰人言匹夫無可行處便是亂說凡日用之間動止語 乎故心常惺惺自無客慮 心則與此為四矣如此處要人理會 下門湯 写路 一佐て 叉以規矩繩檢之 此內外交相養之道也 K

復性命之本然求造聖賢之極致須是便立志 思之學者須以立志為本如昨日所說為學大端在於 必須是光明正 始得若日我之志只是要做箇好人識 隨分為他說為學大概看 日從前朋友 |黄升卿錄 夫可做如顏子之 一到聖賢 進日 田 天必不 來此某謂 アパラ (地位不休如此立志自 漸漸消靡今須思量 應只如此而止 () 欲罷 不追 來都 不能 不 而來須知 得力此某之罪令 就自家性分上 天之所以與我 此道理便休 個 趣 向

所勝習所奪只可責志叉舉云立志以定其本居敬以持 念念自不忘若不立志終不得力因舉程子云學者爲 其志此是五峰議論好處又舉士尚志何謂尚志日仁 帥匹夫不可奪志也如孔門亦有不能立志者如冉求非 叉日試思人以渺然之身可以賛天地之化育以常人而 存涵養將去便是下手處 叉日若於日用間省察此四端分明迸贊出來就此便操 、說子之趙力不足也是也所以其後志於聚斂無足怪 、也是則可憂也憂之如何如舜而已矣又舉三軍可奪 上日三日とう女中でいたり 已矣又舉舜爲法於天下可傳於後世我猶未免爲鄕 4

異端之說如天下歸仁只是天下與其仁程子云事事皆 要窮高極違只於言行上點檢便自實令人論道只論理 **月三里山末 ■ | 1年** | 是就視聽言動上理會凡思慮之類皆動字上包了不更 致若分明見此志 肖立工夫自住不得 無形無影全無下手腳處夫子對顏子克己復禮之 不論事只說心不說身其就至高而蕩然無守流於空虛 可以為些賢以四端之徽而充之可以保四海是如 子問元昭近來頗覺得如何日自覺此心不實日但不 是也今人須要說天下皆歸吾仁之中其說非不好 勿思一 條蓋人能制其外則可以 **公養其中固是內** 何而

又日今語學問 更不說克己復禮 所持守書日若藥弗與吃灰疾弗廖今 地悠悠幾時會做得大要先須立頭緒頭緒旣立 片自己はアラターには 語錄之類專教人以天下歸仁才見人便說天下歸 心便不實外面儘有過言過行更不管卻云吾正 外是末 上滕璘錄 否浙中 一向只用微火何由得熟欲復自家元來之性乃語學問正如煮物相似須蒸猛火先煮方用微火 王蘋信伯親見伊川來後設教作怪 於外則無 舒

無盆 末梢叉約孟子 論孟 つ国馬を用すること (空於用處作 諸 子百家以見其駁雜之病其節目自 大學中庸以 多喜從約 加 一夫其病又甚於約而 考聖 人好約今只做了 不反其約今日考 베 賢之 詳說之 而不於博求之不知不求於博 之意讀史以考存亡 治亂 人將以反 約中 說 制度明日考 了得 約也放必先 節 次序不 也 均 是 [q

問其言也善何必曾子天下自有一 皆自道心出由道心則形氣善不由道心 善只是鄭不得季通云形氣亦皆有善不知形氣之有善 愈極分明易實事可見 **玻濤有時入於安旒不可一定惟有一 卡子里學等格學家八 集云天地中也萬物過不及亦不是萬物豈無中渠叉云** 季通以書問中庸序所云人心形氣朱子日形氣非旨不 云聖賢臨死不飢朱子日聖賢豈可以不飢言曾子到此 濤無害故日天生烝民有物有則物乃形氣則乃理也 惡形氣猶船也道心猶枕也船無柁縱之行有時入 等人臨死言善通老 柁以運之則雖 付於形氣則

浩然之氣天地之正氣也此伊川說然皆為養氣言養得 略了足以兩字故然朱子曰只是 此識得更無走作 タニ 星星 オ田門名 氣是甚大事專靠夜氣擠得甚事可學云以前看夜氣多 無非使人明此理此心常提撕喚起常自念性 明誠謂之教明此性而求實然之理經禮三 浩然之氣不養則為惡氣卒走理不得如今日說夜 自誠明謂之 人皆可為堯舜我因甚做不得立得此後觀書 性誠實然之理此堯舜以上 一理存是存此養是養 百曲禮 如何善

說句慢問以窮理爲用心於外是誰說日是江西說又問 来子程為持格門能入 便不是日然又解南軒發是心體無時而不發云及其旣 皆如此說日孟子告齊王乃是欲因而成就之若只執 發見說話未是如此則全賴此些時節如何倚靠日彻 學謂郛郭是包括心具此理 业 則當事而存而為之宰者也其謂心豈待發而為之宰 問見之知非德性之知他便把博物多能作聞見之 段强解南軒說多差 以書問云心者性之郛郭當是言 不由此 至德性之知朱子曰自有| 如郛郭中之有人朱子日方 |存主統| 知 聞

家 為氣所奪習所勝只可賣志顏淵日旣竭吾才如有所立 元善 一分人識些道理便是不是看他不破不曾以此語之夫 、與天地並立為三自家當思量天如此高地如此厚自 見得則雖其人衣冠其實與庶物不爭多伊川日學者 **箇七尺血氣之軀如何會並立為三只為自家此** 1看今世學者病痛皆在志不立嘗見學者不遠千里 此講學將謂與以此為事後來觀之往往只要做一 知 同是一 重点言 沓 子分明見此物須要做得五峰日為學在立志立 處來 一出一入若有若亡元來固有之性不 性

企立雖是 在 而由 **者定其他物欲** 平日讀書時似亦有所見旣釋書則別是 1.1.1. 故必先求之 庸精微所以接續此也 擾雖持敬亦未免弛慢 八平哉凡吾身 此言甚佳夫 於身而專求之 失腳入陰然 未免弛慢 於 齊退走德性高 身 日用之間無非道書則所以接 於曹 覺悟則叉在於陽自家只立 而後求之 陰 固 赐 不知病根安在朱 應如此古人 相 明廣大皆是元來底 於書則讀書 須是無閒 志纔立則 般 海苦

轍須積習時久游泳浸漬如飲醇酒其味愈長始見其眞 是弟大抵見善則遷有過則改聖人千言萬語不出 氣非若似是而非似有而實未當有終自慌惚此最學 別白求 用心處只如於孝則求其如何是孝於弟則求其 研頻講究不可放過假如有五 之大病又問讀書宜以何為法日須少看凡讀書須了 **叉問凡求之於心須是主一** 思慮多 一定說若他 須是合思即思不合思者 日再看又須從頭檢閱而後知 或於事事求之日凡 項議論開策時須逐 不必思則 此 前

讀書法龜山云先讀論語五峰問論語二 爲宵有得息有養瞬有存此語極好君子終日乾 則 朱子問德粹夜間在臥雲菴 謳 緩問仁問知終身事業已在此今人讀書仁義禮知 息閉亦不必終日讀書或靜坐存養亦是珠錄云雖 而卻 往 更詳思之大抵古人讀書與今人異如孔門學者於聖 往失對 山日事事緊要 コニスニニテくエーペード 不曾觀書靜坐 無溶泊處此不熟之故也昔五峰於京師問龜 只是當初寶時掉過了孟子日仁在 而已 日横渠云言有教動 何工 一夫德粹二 |十篇以何爲緊 有法書 乙歸 總

中未嘗 時只是仁義 當其寂然時理固在此必 陳 指心作已發日便是錯了縱使已發感之 及工主芽 進 秋冬凋落 厚之問寂然不動威而遂 絕 兀始 而 得 不 然 則來春無緣復有生意學者常喚令此心不死 **示静如:** 天地生 明に着い 威為羞惡未威時只是義某問 亦只是藏於其中故 此 則流行發 物 以四時 感而後發如仁咸爲 見而常卓然不 通朱子日 運 明年復生若使至秋冬 動春生夏 寂 ノ大錯っ 體固在路 然是 · 胡 氏 說 可移今只指 長固是不 體感 惻 隱末 所謂 此 則 動 感 用

民門題とは人どり 這裏豈有內外棈魔之不貫哉學者欲知朱子之學要 把柄循而行之實有程途句句收斂處處發見非空言 當合克復寂域一 無時不寂則本體之抽枝長葉千條萬緒其根柢只在 也教人自立志始讀書以少看其示人之意甚肫切告 知之而爲之防其意深矣至寂然段尤精微無時不感 **元昭克復** 上鄭可學錄 西家之流弊而前朝嘉隆後猖狂尤甚者朱子若預 三家錄皆在辛亥所紀居敬定心之旨實有 段尤當著眼視聽言動不謹徒日 一段而切究之知威之 一體常在則非禮 날 歸仁 此

與留 然不可移之妙彼以晚年方悟本體者何嘗尋其以 識慮氣節者相與謀之先使上 侗 事 闸 而自腹心以至耳目喉舌之地皆不容有毫髮邪氣留 學者必循此用功方有人路彼以晚年專指本體 曾尋其門戸 言動便知朱子是時造道深靜流行發見中自有 默契之耶問平日讀書段尤切要讀書存心只是 視聽言動皆根於主 **温点末田|| (名)** 丞相書云伏願丞相試熟計之亟陰求學士大夫之 然後天下之賢可以次而用天下之事可以序而 而實體之 宰常定常明原非僅 耶 一心廓然洞見忠邪之所 |検點於 源 視 頭

時練習卻令分下諸州就糧以省餽運防緩急歲時更代 別作措置以漸消除而悉收江上諸軍子弟剌填本軍以 與趙師書云近開有旨招填諸州禁軍寄募沿江戍卒 卻還本軍則其事勢自然不敢退墮而州兵之未消者亦 ことではいうながら 為也如其不然則自今以往丞相之憂乃有甚於前日是 以激厲增進乃為長久之計今不慮此反令州郡泛行 **喜**網危之而未敢以爲喜也 **漳歸建是時尚在漳也** 按此書首必蒙矜念俾遂退閒數語蓋因子喪而欲去 一行似難辦集且今日州郡禁軍緩急何足倚賴正當 三

見隆與所發之 技 何急切而忽取此已棄之繆策而復行也往在南康 也 。嘗奏能之數年之間 III 若 星 重傷 取浮浪 謂此二 搜捕甚急此等之人散使 能寄 人全船遁去并與部轄掌 無能之人尤為非計似聞軍 又未論也至於寄招之令則棄己 事者在帥司亦合申請 招 而 (則適 稍遞 州郡得以少息勞費不知 過增禁軍 足以資 (到得) 其實鬻之姦而 本等及大等第斗 事者皆 軍 更以書處諸 7 中 中向來以 子弟 亦豈復 空 復 今日 素 耗

大子聖學告格人的人 測點名 州際鹽最為毒民之 雖在外數行則此書不獨在辛亥九月前且在四月 具時政關失以聞九月韶知福州趙汝愚為吏部尚書 不少此亦已試之驗也 求賢士格上 **涥錄云四月** 按通鑑辛亥二 乃收是練兵要務此朱子行政大綱也 一心是大臣要務罷寄招增禁軍必使及格 月乙酉韶以陰陽失時雷雪変作令 赴 十九日遂行此書首有雷雪之變及 因限以必及次高疆斗力乃收而來者 帥 |横賦屢經旨罷 司 拨拍 ,則猶庶幾其或可用 而復 赶 也 前 此

罷而行迫無及矣 フンニー・重要に対 先生以喪嫡子丐祠甚堅當路者又以經 庚戌四月至臨漳悙罷省試歸至冬至始克拜席 力雖已 **者山澤之利與民芸之今都占了是何理也合盡行除** 計無與前後官都被某見過無不巧作名色支破 庫皆充塞朱子日某而今方見得鹽錢底裹與 報行而終以不便已為病幸其有是請也即為 俟 A 利害曲折朱子即散 シイン 正賦既定然後悉除之至是諸鋪 榜先罷 界一 5 下明 解 郡 到

戢不敢輒舉良家子女從空門者各閉精廬或復人逍 平時習浮屠為傳經禮塔朝岳之會者在在皆為之屏息 政干以私胥徒易慮而不敢行姦豪猾皴蹤而不敢冒法 安智先生之化而先生行矣是豈不爲恨哉 平時附鬼為妖 然以定僚屬厲志節而不敢恣所欲士族奉繩檢而 同安縣東之 有欣然慕而亦 子追絕等格門舒利 四境狗偷之民亦望風奔遁改復生業至是及期, 僅 及 一期以 迎接於街衢而掠抄於闆巷皆亦相視斂 有愕然疑譁然婜耆越半年後人心方 南陬攸陋之俗縣承道德正大之化始 并鋪而別實五 日也先生 夫 不

趨慕 學只是一 宗赤立三含前太學亦盛日呂氏家塾云赤立三含前太 **擢用正人使士子** クニ、星屋1号 用**■**/ 分・ノ 朱子因論學校 叉日今日亦未論 八使之自立繩墨 是計資考選用 昌父相見因論 上陳淳鍒 大書會當時有孫明復胡安定之流人 又學識短後學者亦不尊尚可學曰神 **運之十年日與之磨煉方可今日學官** 凡事須有規模且如太學亦當用 |科舉法只是上之人主張分別善惡 知趣向則人心自變亦有可觀 子曰兵以用而見其强弱將以 ラ (如何不 好

长于 皇勤与各党住人 君以渺然之身履至尊之位四方輻輳面內而環觀之此 壬子朱子六十三歲 |極辨||云皇者君之稱也極者至極之義標準之名常在 用兵之故今日諸生必於屋下何以知其能縱有韓白 之中央而四外望之以取正焉者也今以余說推之人 惜不久任耳 以上鄭可學錄 除鹽弊禁俘層振學校習兵事皆治漳之稱舉目張者 而見其能 生亦何由辨之 |如本朝諸公游陜西者多知邊事此亦

其仁則極天下之仁而天下之為仁者莫能加也語其孝 大下之至中也旣居天下之至中則必有天下之純德 大下之至中使夫面內而發觀者莫不於是而取則為 政協五紀以舜其政然後至極之標準卓然有以立 禍福於人如擊裘領豈有一 也由是而權之以三德審之以卜筮驗其休咎於天考 可以立至極之標準故必順五行敬五事以修其身厚 本於五行究於稲德而必以皇極爲之主也是書 雖始於一終於九而必以五居其中洪範九疇所以 天下之孝而天下之為孝者莫能尚也是則所謂 H 毛之不順哉此洛書之數 丽

義且中之爲義又以其無過不及至精至當而無有毫髮 於天之所以錫禹雖其茫昧幽眇有不可得而知者 苟且不分善惡之意殊不知極雖居中而非有取乎中之 大中又見其詞多為合洪寬大之言因復誤認中為含糊 姑息卒至於是非願倒賢否貿亂而禍敗隨之倘何敛福 之差亦非如其所指之云也乃以誤認之中為誤訓之極 人君不知修身以立政而墮於漢元帝之優游唐代宗之 千年 世界を大一人 **小護乎至嚴至密之體而務為至寬至廣之量其弊將** 而不察乎人君所以修身立道之本是以誤訓皇極為 (所以言之而告武王者則已備矣先僑未嘗深求其

答胡季隨書云前書諸喻讀之惘然季随學有家傳叉從 錫民之可室哉 **分**一 聖 學 之 明 一 名 軒之人何故於此等處尙更有疑向見意思寬緩而讀 之作辨以正漢儒之訛關象山之失旣以 拳拳愛君憂國之心藹然見於言表實欲人君以一 而立至極之標準於天下非若以空言敷衍但伸己意 大也極中也洪範九購五居其中故謂之極朱子聞 子正月象山 **脉經旨者** 熟常疑人違無人 荆門軍率吏民講洪範五皇極章 八頭處必為浮說所動今乃果 闡明經義

然且復之義 釋但不欲杜撰耳不知卻要如何下工夫耶夫子言 師 也日月逝矣歲 **小思則罔中庸說博學審問慎思明辨聖賢遺訓明白** 友之間 豈可舍之而狗彼自欺之誣說耶來書譏項平父出 分明今乃 思等書子細玩味逐字逐句不可放過 すべんに シテスモー 可為人所証 不為不久而無所得 日才涉思維便不親切又云非不能 正當思維方見 條詳解釋其文義看是如此 不我與願深省 7 さこし 虚度光陰也荆門皇極說曾見之試 稧 愚亦恐賢者之不見其睫 察且將大學中 切別紙諸 正 否 庸論 以意 解 如 而

答項平父書云告子之病蓋不知心之慊處即是義之所 心之慊與 安其不慊處卽是不合於義故直以義爲外而不求今人 **分于玉乌老明** 因孟子之言卻有見得此意而職義之在內者然又不 即進學則在致知而有益於涵養之事皆是教季隨 所何以見天地心正要思維必有親切趣味別紙。 **麗象山者至矣** 工合一處即朱子與象山大不同處至其前後之意則 復三句卽涵養須用敬而兼致知之事何以各止其 不慊亦有必待講學省察而後能察其精微 何

下下,目記言各一人於り 是如此然敬即學之本而窮理乃其事亦不可全作 其發之暴悍狂率無所不至其所慨然以爲義之所在 看也洪範皇極 按朱子曰告子只是將義屏除去只就心上理會因 必不出於人欲之私也來喻敬義二字功夫不 偏如 十步之問耳以此相笑是同浴而護裸程 子靜云讀書講求義理正是告子義外工 置 此故於義理之精微氣質之偏蔽皆所不 ĪŪ 不讀書不求義理只靜坐燈心卻是告子外 為此與告 章乃九疇之本不知曾子細看否 子之言雖若小異然其實 声 工夫某日 也由其所 察 則 兩 同 舉 固

名言里角者用一名ノ 義李時可問仁內義外朱子曰吿子此說固不是然近 面商量如此便不是義乃謂義襲其說如此乃與佛氏 先見者便是如夏日飲水冬日飲楊之類是已若在外 心通理得可見典籍所載非心外之義講求深造非義 見得聖賢典籍皆自心中具足道理必講明切究然後 此二段則象山亦一 不得擬議不得思量當下便是之說相似此大害理玩 有欲破其說滔叉更不是謂義專在內只發於我之 學問思辨明善之功聖人示人向裏切要處朱子實 一告子也夫講求義理使心地通

令象山] 中 按是年十二月朱子聞 動 和 不終於偏駁 子朱子無一 **父輩明辨之盂** 事至物來任心 為位哭之既罷良 平淡泊而 在 即 不搖 荆 因朱子既耐 語與象 不精 動 III 執 功 子正解安 所守者終固滯 抝 明及至舛錯謬戾而此心仍因 亦有可觀而學術終是告子者 而 行 復主之說翻然悔悟殷勤請 山講論學術則氷炭之勢極 **人日可惜死了告子自 攺所以終爲告子** 意見既偏 象山卒於荆 能 不掩蝕於此 不通 闁 《矣非朱》 軍 又雜清 率 也 種論 門人 万午 說 淨 · 與平 至壬 哉

朱 粛 陳忠粛 朱體 此心湛 人數等了 迹之殊若象山以禪之空寂治心而稟賦 出 相 聖學者略一次卷 明 所 善 干涉何也程 亦有效驗所以事 乎嗚呼缭 以治功性命只是 用 亦其天資之美學力之優終於道德性命之 然萬理皆備 刹 忠 原 定張 山 之學者此也 不免於禪 子云 子部語 功雖卓 沖漠無朕萬象森然 故其見於事功者 又何疑於象 是豈獨於 舆 君子其行趙 萬 卓 可紀而 |分有體| 小山然哉 山平 都從 政事 究 用 高明 之別 何疑 具 何 與於 功 無

子晦問 朱子答之不詳次日廖再問恐是天地之氣 こころうろん 大地之氣與物相通只借從人 是也某日瞽瞍之氣有時而清明堯舜之氣無時 故而有所見亦奚怪其貿貿然尊之而不知所分別也 世學者猶以其行趙政事卓卓可紀之故至尊之與程 耶 朱等殆亦徒事日耳未嘗反之身心體驗所以不同之 碓 烏知其爲告子 何以生丹朱商均朱子日氣偶然如此如瞽瞍生舜 人物清明昏濁之殊德輔因問堯舜之氣常清明 流人物耶乃朱子如是言之而 八軀殼裏過來 時如此 5 濁

家治國平天下心者身之主也攝心只是敬才敬看做甚 オー耳号之明 賢又出來又說一 載也只是這許多說話一箇聖人出來說一 朱子誨與立等日經書中所言只是這一 麽事登山亦只這箇心入水亦只這箇心 敬敬是常惺惶底法以敬為主則百事皆從此似去今 都不理會我底自不知心所在都要理會他事又要否 日因論讚大學答以念慮攪擾頗妨工 此 一蔡思錄 汪德輔錄 一番了如書中堯所說也只是這箇舜所 **箇道理語孟**所 | 夫朱子日只是 番了一箇聖

心行身在這裏心亦在這裏若不能主 公所說頌文武之盛德也只是這箇便若桀紂之所以危 小治當為不為便不是主 惟其撰不得所以只其逭道理 亦只是反了這箇道理若使別撰得出來古人須白撰 心卻只是主 此 此楊與立錄 DESENTATION OF L 無適亦是遇事之時也須如此朱子日 禹湯文武所說也只是這箇叉如詩中周 到遇事之時也是如此且如這事當治 了若主一時坐則心坐行則 建し 如何做得了 於無事時

保惜精神常以天下事為念然後可以講磨冶道漸次更 典趙尚書書云今日之事第一 張如其不然便欲破去因循苟且之弊而奮然有爲決 ガラ聖母末 男/名フ 理旣無此理則莫若且靜以俟之時進陳善閉邪之 著實涵養能敬方知悉聖只這一 答子晦問甚精 可置 不得不因事採正若其它開慢非安危存亡所 悟此外庶事則惟其甚害於君心政體而立致 而不論如學校之政是也此等事欲大更張 天地人只是 亦恐主議之人未必究知先王學 且是勸得人主收拾身心 氣攝心 箇 道 理 只是敬須

にといるときなり、

またり、

またり、

またり、

またり、
 所更革安得謂之就見行法中修整乎又況教官未必得 靜之談平前日 未善猶未足言所深慮者何書 將來姦弊百出旣已慮之而未知所以爲計又何必 偽冒請囑之弊然其行與不行亦非安危存亡之所繫 而不行正亦不必固請也今所規畫皆是創立條貫多 四 以爭此嘗試 五條者最為穩當不驚 如來致所謂就見行法中略與修 山間拜寶 政使行之 迂隅之策 不能盡 未能 動人耳目而 而使旁觀者重有粉更 有盆 此曲折深有 之重 ij. 整則器前 可以坐消 迶

者先責於我使我之身心安靜精神專 俗知時識 洞見其是非得失之 何事 国点さ 人智士 而 其先後緩急之序皆無毫髮之弊然後并心 勢者 俟其間隙有可為者然後徐起 今 上心之悟者 M 13 乃切切於此不急之 夕相與切磋琢磨使於天下之事皆 固 如是 正而探得其所以區處 平然欲 叉在反之 明 ൬ 為前所 於當世之 於身以其所 務以取嫌忌嘲笑 謂時 然後博 而圖之乃庶 進 更革之宜 陳 善 閉

投機合變慮無遺策而今者之議以大言之則不時以 蓋叉皆以爲尙書頗以簡貴自高憚於降屈而無好士受 言之則不巧不惟熹之至愚以為未安而天下有誠亦無 取之矣願反諸身而熟察之育諸已而後可以求諸人無 乘之主乎尚書皷以天下之事爲己任則當自格君心之 **諸己而後可以非諸人** 非始欲格君心則當自身始蓋非獨燾之所望於下 言之美也不識尙書何以得此於梁楚之間哉其必有以 網怪其不當出於明者之口也即其言又有大於此者 如此計善類之所望莫不然也久欲言之而不得暇今 八雖敵已以下猶然而況於南嚮萬 金 数事

朱子野母君明一角 按通鑑 其是非得失之正區處更革之宜先後緩急之序數行 玩收拾君心以天下為念延賢人智士講求事理洞見 事則此書當在壬子矣 吏部尚書四年癸丑三月辛已以趙汝愚同知樞密院 郑朱子得君行道所以經理天下者胸有成局舉而 病怯風不敢出戸因得極陳其愚伏惟恕其狂率 子直不能虛懷講教以致功業卑卑也 紹熙二年辛亥九月壬子召知福 由聞甚周旋之此 州趙汝愚為

ラー 登退 きを見る 趙 蓋已預憂之今雖稍息此憂正未有艾也 計平日議論 然道書云荆門之計聞之慘怛故舊凋落 端緒陽明出而陸學大盛終明之世學子宗爲朱子 風寢衰即草廬間有 山沒後其學盛行得朱子與黃蔡諸君 大拍 **底止此尤可笑蓋老拙之學雖極淺近** 頭胡 一志而益愚者之過不知此禍 之同異也來輸叉謂恨不及見其與某 **叫唤豈謂遽至** 傷而和之者少至於公甫已 此 哉然其說 턎 子竭力排斥 又何時 旗行 而 於 論

各許中應云夫道之 稩有得者蓋嘗 所以提撕誨飭於後人者無所不備學者正當熟讀其書 求其義考之吾心以求其實學 朱子之學主敬窮理積五十餘年凡數變而後純 **一里写字** 图 艱甚審陸王之不 山之一超直入不 而處後世之不能以達此於是立言垂教自本至末 而察之甚審視世之道聽塗說於佛老之 敝帚者哉 | 笑其陋而譏其僭豈今垂老而肯以其干 問不察者何如也朱子得傳聖道甚 體用盈於天地之間古先聖人既深 知也宜哉 (事物以驗其歸 2餘而 視象 則

貌詞氣之間修己 爲大禁常欲學者注其心於茫昧不可知之地以僥倖 者左右於此 玩索都 則愚有所 恍然獨見然後為得蓋亦有自謂得之者 有假佛釋之似以亂孔孟之實者其法首以讀書寫 日、東 会を見る。 慈語 無意見此正近年釋氏所謂看話頭者世俗 逐 無乃亦惑其說而未能忘耶夫讀書不求 於文義玩索墮於意見而非所以爲切己之 不知其說也世衰道微異論鑑起近年以來 思存應務接 錄者其說甚詳試取 一治人之際乃與聖賢之學有大 事之 3 矣而察其容 己矣來 相 喻

妄而處之愈安則亦不待他求而邪正是非已判然於 取之文義本自分明 **其未免為好高欲速之尤者也至如孟子所謂非義** 中庸之言正謂道體流行初無間断是以無所不致 教聖賢之所大不安者彼既悟道之後乃益信其爲 所共見之處問斷多矣而日循是存養不疾不徐吾恐 懼非謂獨戒懼於隱微而忽略其顯著也若如來諭 **叉如所謂宣有人皆得見之過無或有不睹不聞之 飑安失所者蓋** 而今學者未嘗細考但於 同 凡彼之所以賊恩害義 五也旣勤 襲 欺 則 此 而

長子 俚議論不同未必可用耳 能親執筆口占布此他 沙陳 詳今收張卿元善蔡兄 見得這銜便了豈有是理因說江西學者自以爲得陸 按陸深甫問為學次序朱子日公家庭尊長平日所 **些學与各門公司** 安舍 人說及建閣藏書事欲以記文見委而未得 得此心方可為學朱子日此心固 做得方是無虧欠若只說道本無虧欠只 云刪定权祖所以見教 季通書備見首末偶腳氣發作 日病起草得記成但恐丈 幸深審之當 者謂此心本 否俟報也近 行詞鄙 無

グニー・重き、オ 位 處都 心 明日 虧 山 西學版多從象山 興 上射人 果何道 檢 飲 見得此心便將 命 明月 **经高談大** 个江西學者乃今日悟道明 點 酒 當 逐去馬 非流 如楊 战玩朱子答許書及語陸 之差講論 慈湖傳] 論 行漸染任 **返絕不知有周程矣其學** 略 、某謂賈誼云秦一 無忌憚忽 謬氣質之 切書冊事物歸併 淵包 而行竟不 偏大悖本然天 **等** 日 日罵 採甫知當 一深中此 世今日 以爲悟 知聖賢典 此路 卽 病 時 即 知

可歎也 答蔡季通 楯 攻僻! 壊後生 生え 向見薛象 後學其何所適 愈差無所 业 徒有 但恐病中意 that Wall 姚 故 不憚 來學問 先盛稱其人 之行幾日<u></u> 從與 良 起 思昏慣 道者朱子必諄諄誨誘蓋憂其學 浙 而 可歎息非朱 好資質者皆為所擔閣 拯救之〇答許蔡 令韻其書 可歸益 未必能 公相 繼 Ė 知講於陸氏 議 書指言閣 训 論 壞 分明曉 愈 狂 前 閣

詩 則 祀 學 型 序於 雕 是 杒 在 成 杏 古閣 則 詑 於 理 無 我 收 記 視 內 而 萷 有 或 講 聰 義 蔽 博 灩 们 於 學審 非 智 氣 間也 理之 由 稟 求諸 間 爲 外 世 實 傾 思 變 及 心 我 惻 明 扯 隱 俗 私 爲 羞 聖 必 敬 之 知 肵 興 而 於 何

林开建墨与客人在六 老空虛之邪 文 直 使人以幣請於京師之學官使其學者討論誦說得 迫終已不能狹治而貫通也嗚呼是豈學之果不可為 來也哉道之不明其可歎已 而或知理之在我與夫學之不可以不講者則又不知 果不可讀而古先聖賢所以垂世立教者果無益於 致詳虛心 以為可以取足於心 鎮又取板本九經諸史百代之書 因建閣於其上櫝藏紹與石經 見而於義理之正 意從容以會乎在我之本然是以急 而無事於外求也是以墮]鄂州教 一法度之詳有不察焉其 授許君中應旣新 列翼其旁不 ना 朝宸 於 速

餐飫而 學蓋 之捷徑 記 矣今以是舉觀之則見其所以誨 其所以自為者不以泯心思滅聞見為極擊之歸也 其本末并推近世所以為學讚書之病請具刻爲 此閣而讃 正三足、イ 远患 開發馬 則於理之在我者庶有以深求而自得之矣道之 於為己而意其所以學者亦 哉癸丑九月 此書者使無溺於俗學之下流無迷於異端 用ライラ 因子友蔡君元 中專求心 學而 定來講記于雅聞許 人者甚平且實然後 此記 日 乃深饑心學之 取足於心 Ξ 以 因 तिप् 弊

通玩此記知朱子教人先明乎心統性情之根原來歷 意以專以精皆不外乎心統性情之理而神疑意會爲 則理之在我者的確無疑矣由是讀六經四子及程朱 慶將歸朱子召入與語出前卷子日議論也平正兩日 書而講明切究之必循先後之序致玩味之詳虛心 云講乎此型之實者 下 是是多子人 貫通推而行之即此而在則所謂從容以會乎理之在 而身體力行馬使方寸之中瑩然甚然萬理明徹俠給 者無事他求矣彼其取足於心之說又安能怒吾哉 粉墨筆慶 何嘗專求心學哉 次研窮深求奧義正 赺 記 中所

分明常在這裏久自有覺覺後自是此物桐然貫通圓 欠少工夫今先須養其源始得此去且存養要這箇道 來反覆爲看所說者非不是但其中言語多似不自 便見得又日如今要下工夫且須端莊存養獨觀昭 不見纔覺得便叉在面前不是苦難收拾公且自去 干言萬語下學上達一 用 舉孟子求放心操則存兩節及明道語錄中聖賢教 出 原其病只是後耳故覺見枯燥 功所謂放心者不是走作向別處去蓋 リアネラ 條一云自古聖賢教人也只就追理 語待存養得此中昭 不甚條達合 瞬目間 提撕 胸 理 便

題 陳 道 無許 須喫緊著 廽 **撞來**撞 卿 得若不就此上面著緊用功恐歲月悠悠竟無所 如公資質如 徹 间 多 一人為學頗得蹊徑次第 入地位 敬字 遇 窒 八說恐他不肯去看文字又不 事時 疑总時方取文 意做取尹和靖在程門直是十分鈍 上. 將來自有撞著處公既年高又做這 但颜 自 做工夫終被他 بال 然迎 何不可為只為源頭處用功較少 子是水初平風浪 71 字來 而解皆無許多病 又曰 做得成因說 看 則自然有意味 顏子與聖 實了且 初 及陳後 痛 底被 教 业 自 般 他 等 而 他 蓝 然

直理 一使 然後有益 弓如 須就 方可講究若居處必恭 朱子乾坐定朱子日 业 得惺 已平 段石洪岌錄 如 何會 視聽一 事來 承大祭是無時 學考略一卷 風恬狼靜時叉日 惺不契昏昧若昏昧則不敬莫大焉 如此只將他事就自家切已處便做他 動 上. **肾**戒 私 而不主敬 到復體 執事必敬與人必忠要如顏 為學之 處仲弓出門如見大 得文 如今亦不須輕量 道須先存得 字較 細 須用 這 常提 簡道 時

云欽明文思欽便是敬問敬如何持日只是要莫走作若 不是收斂問莫是主一之謂敬日主一 見外面風吹草動去看覷他那得許多心去應他便 子自己はアミングリアとなり 區處得當 處宗剛只是敬處朝廷只是嚴處閨門只是和 段鄭南升錄 一一敬須 那简是心卓然在面前便做得身主少間事物來 手工夫朱子日只是要收敛此心莫要走作走作 要持敬堯是古今第一 箇 一是敬表德只是要 人書說堯劈頭便 曼 业

クニー耳をライ 學 按 此 業保守無時忘之久之覺得性體含蓄廣大視聽言 刻刻只是主敬實見得仁義禮 是性體質 治深加河 段游兒 此三段朱子將自家主敬工 此項功夫非 外者與從前 信 性體卓然在此而不 潛玩便 鋖 田田 發見無有離其根者皆是性體包括無有 酒 オン 泛泛視聽言動而性體 贅 可伴 知自家身心是大本大原所在時 致 居敬窮理功深養到修積悟 搖洞然通貫而不帶也朱 智 Ž 性 昭昭在這裏 婆心曲曲 不管轄者大工 示 動 時

問 朝聞道如何便夕死可矣朱子日物格 **這矣而指示切實卻不欲學者向身心外誤用鑽故** 對人言正立虛靜之嚴防杜陰禪之流弊其用意至深 而熟又數年而盆熟身在心在 飲勿令走作居敬窮理之功仍是齊頭並用積十數年 **檢心久了自然撞著端莊存養** 局得借 箇 夫彼終日讀書不知身心爲 MILE IN 體 而聖人明鏡止 **觸處皆是這箇道理無不理會得** ١ ^赤朱子讀書 水之基已具於此 之教也哉 何物則 了然目前所以不欲 而獨觀之其功在 知至自然理 亦朱子所 的是自

行夫間 朱子聖學者與一名 方是事親欲盡其孝事兄欲盡其弟 事親事兄時此心便沒頓放處仁 雖然如此只是就事上逐件理會若不依於仁 道 裹連許多德 理 得此心便覺 道據德依仁遊藝朱子日 兄能盡其弟便自有這道理了卻有可據 死亦是這 流 通無 總購買穿都活 那箇滞礙因此 箇道理 游礙惟是 T 則自朝至暮此心無 禮樂射御書數 志 至據於德 **叉卻養得這箇道** 於道方是要去 去理會這道理 則事 底 到 地

不待事來方始安排心便是理了自家此心各各是一筒道理應副去理應他便不免有憂焉甚麼事來不論大小改頭換面理應他便不免有憂質孫錄云仁者之心便是一箇道 灭 他所以不憂人所以憂者 去也是放只行些昏惰便是放 先生說如何日仁者心便是理看有甚事來便有道 問求放心朱子日此心非如雞犬出外 戸見場学なべばし 只在此不用去捉他放心不獨是走作喚做放才 者如何會 郑至意誠是萬曹之 不憂察云無私楊至之云人欲淨盡洪慶 不憂章朱子日不惑不) 根有大底地盤方立得腳住 只是卒然遇 卻 臣! 叉著去捉他 一簡道 但 理

寒來川流山峙父子有親君臣有義之類無非此理如學 老懷少信朋友自是天理流行天理流行觸處皆是暑往 分一月過一日 一定一 而時習之亦是窮此理孝弟仁之本亦是實此理所貴乎 物者是物物上皆有此理此聖 物莫非天理初豈是安排得來安排時便湊合不著這 林恪錄 都 第不得 私意來自是著不得私意聖人見得只當閑事 與點與聖人之 志同者蓋都是自然底道理 人事點見得到蓋事事 蔓 安

禮時 未能 筒 道 能 復 能 底都把 加尸之 聖写的門 不是待克了已方去復禮克得那 八欲克去 復禮 如 屬 天理來如箕踞 天理叉不屬人欲底一 朱子日 時 便復 佛老是也 做人欲斷定 如 金八 不係 跛 业 倘 得這些箇來 樂 而未能 〈欲也 佛 非禮自家克去箕 天理 日 須是立箇界限 如尸即是克得未盡 禮是自家元 加坐 巨 分人欲去 (有能克) 有底所 將那 能 便

當克已 理所以胸中自在受用處從容 天理節文教人有準則處佛老只為元無這理克來克去 是 繁文末節 **千卻只是這箇道理干條萬緒貫通來只是** 不見那魔底顏子天資高精魔本末一時見得透 道合恁地下學上達去曾點只見得這向上底道 了無歸著處又日只說理卻空去了這箇禮是 曾點見處便見這意思又曰曾點只是見他精 理理會得時繁文末節 **屡問莫便是克已復灩之灩** 私 7 了卻空湯蕩 又日為國以 地他是見得這 皆在其中禮儀 禮之禮卻 日禮是那 運元 筒 英 那

H

這般說話莊子云言而足則終日言而盡道言而不足 理夫子所以說吾道一 各自是一物草木各自是草木不干自己事倒是老莊 數都是天理流行活潑潑地那一件不是天理中出來見 出底一草一木與夏葛冬裘饑食渴飲君臣父子禮樂器 得透徹後都是天理理會不得則一事各自是一事一 叉日夜氣只是不與物接時叉日夜氣是毋所息者是 終日言而盡物又曰早間與亞夫說克已復禮不是做兩 爲道理出來處只是一源散見事物都是一箇物事做 夫就這裏克將去這上面便復得來 以貫之曾子日忠恕而已矣是也 髲

夜卻變不得神又日靜者 丽 非是 夜間 陰陽 諸公數日看文字但就文字上 工三人 TII 陰靜極復 至於爲農 神 不測之 F 要理會文字正 當要心存在這裏 静 不與之俱靜神又自 而無靜朱子日此 謂 動此自有 商賈方惟其所之孟 神 如晝 要理會自家性 為主放以蒙艮終云 動夜 箇 方可做工夫如 神 說動 是神神卻變得 靜在晝間神 在其間不 理會 而生陽 子說求放 不曾切己 屬 |事學者| 動 陰 與之 極 屬 ൬ 箇 晡

さこ 四三五 公子 一名こ 按一 固是因舉公廳斷人自家元不動叉日只是心平 集註怒不在血氣則不遷只是不為血氣所動否朱子 卻渾然無迹故徹大小徹內外無非天命本體充塞流 不動是心在此應事心 一番植錄 |家錄朱子是時心定 不出只緣主 如太虛 般非强把捉也至云各各道理應 **時見透蓋其一心之中萬理具足** 工夫欠關 元不動眞風恬浪靜之時直契 極矣理明極矣如云自家元 睡因都不濟事今看文字

較之吾儒彼不可謂無所見但卻只是從外面見得 |苍陳衛道||云疏示所見此固足以自樂賢於世之沉迷 子不曾見得裏許眞實道理所以見處則儘高明脫 沒之流遠矣但猶有許多節次脈絡何耶然以釋氏 行不質非如釋氏見處行處打成兩截也嘗見龜 他家攝心不動之謂哉 雖毫釐絲忽間 七顆八倒無有是處儒者則要見得此心此理元不 居士說神通 凝然在這裏此顏曾理定卓立戰兢之候 妙用運水搬柴話來證孟 不容略有差 | 舛才是用處有差便是 心世世 偤 肵 避 汨

流行而其中是非黑白各有條理是者便是順得此理非 也 致 了性只是理以其在人所稟故謂之性非有塊然 天生蒸民有物有則只生此民時便已 知便是誠意正心而天下國家可得而理亦不是兩 致知便是要就此等處微細辨別令日用問見得天理 儒者須是徐行後長方是若疾行先長便不是所以格 便是逆蓄此理胸中洞然無纖毫疑礙所以才能格 旦まとう女は、大きし 神通妙用此即來諭所謂舉起處其中更無是非 其語未免有 豆蓋嘗譬之命字如朝廷差除 病 何也蓋如釋氏說但能搬柴運 是命他以此 芒 物可

分一里写法 明一をフ 如官守職業故伊川先生言天所賦爲命物所受爲性其 是養得此道而不害至微之理至著之事一以貫之略無 理甚明故凡古聖賢說性命皆是就實事上說如言盡性 見不審明者以為如何 餘欠非虛語也此話甚長非幅紙可盡然其梗概於此 便是盡得此君臣父子三綱五常之道 附 此 用處有差便是見處不實必胸中洞然無纖毫疑礙方 **書**未詳何年書中旨義與答斗南書可互發明故 2 南書中心體本然天理流行眞本領彼陸王 而無餘言養性便

見哉又 盱 M 是存養之事若便以此爲格物 不有下 敬 帄 即 不發見朱子答云旣知善端無時而不呈露則當 後可加: III 世世与女皇人がし 不知躬 問云善端無時 云只於居處恭執 猟 夫處不可謂常時都 與於事理 槧 功也若如所論 **埋卻是都無事者矣須** 而 貫之 事敬上 同 不呈露 只於恭 其極即是格物 而見 運傳 一用力即 夫則是程先生所謂 於外 不發見必待其有時發 哉 敬上 用 丁 文 知遇事而 尸 天理常存 云 二向何待! 一夫則又 其當 何 知 時 無

答項平父書云所諭已悉以平父之明敏於此自不應有 答鄭子上云謝尹二 方三里直オリースラ 一豈可不整齊嚴肅靜處豈可不常惺惺乎 能時時呈露發見及遇事時仍就此推究以造其極 此二糟未詳何年以子上饒錄在辛亥故姑記於此 手後尤加切實毫不放鬆朱子異於陸氏者正在於此 種境地豈易到得必居敬窮理愈久愈熟愈充愈渾方 朱子云善端無時不呈露發見無時不有下工夫處 **者所當潛心也** 至於動靜皆整齊嚴肅皆常惺惺此居敬涵養要法學 說雖分內外皆是自己心地功夫事

朱子聖學告略可能入 虚度光陰也孟子之意須從上文看其意蓋日此氣乃集 外襲也今人讀書不仔細將此草本立一切法橫說竪說 疑所以未免於紛紜卻是明敏太過不能探潛密察反 玩味只略見 訊嚇眾生恐其罪不止如范甯之議王弼而已也 戒平父即以深陷象山也 皇即以皇極講義言之雖其說未嘗無理只是經義不 而自生於中非行義而襲取之於外云爾非謂義不是 如是正所謂立一 象山文章皆是一線可通便謂理只如此遂有許多張 一線路可通便謂理只如此所以爲人 切法橫說竪說誑嚇眾生者朱子探 坐 八肵惑

若見得破即隨生隨死皆有所處生固所欲死亦無害也 出 答杜仁仲云良仲示喻敬字工夫甚善凡聖賢之言皆 即是理卻恐未然更宜思之 動靜如云求其放心亦不是閉眉合眼死守此心不令放 見得二先生之說初不甚異蓋道即事物當然不易之理 得之明道又謂不可以獨者不為水亦是此意也但謂神 THE THE PARTY 都無走失耳所論氣稟有偏而埋之統體未嘗有異亦 也只是要識得此心之正如惻隱羞惡之類於動靜。 此書未詳何年按後答杜貫道書中致道歸云云致道 仲良仲貫道與致道同時自在晚年 仁仲所論朝聞夕死則愚意

朝 答歐陽希遜云所謂徒守紙上語擬規蟿圓摸矩作方 ドストロロアンラダアの公子人 初學之通病然尚有不能守紙上之語雖擬規矩而不能 乡摸之不暫廢輟積久純熟則不待摸擬而自成方 方圆者而未必自知其非也以愚計之但且謹守規 此心之正事物當然不易之理只是一 朱子盷白示人如此 性之德而具於心質徵內徹外合一 行實見得此心此理端的在我則生死皆與道為體 於壬子後 可輒萌妄念求之 一於言語文字之外也又云 之語須要窮理 箇中 庸註 云皆

| 今二・馬馬||本映||へ名・ノ 氣象固是從容灑落然須見得它因甚到得如此始得若 舍瑟言志處固是聖人所與然亦不害其為狂也過此流 行有不掩亦非言行背馳之謂但行不到所見處耳只此 見得此意自然見得它做得堯舜事業不可以一事言也 先求貿點見解未有不入於佛老也 又答希遜云學者當循下學上達之序庶幾不錯若 入老莊去矣 陸王皆有取於點若不循下學上達之序而取其過 象山云曾皙是過之好者陽明云點也雖狂得我情 則流弊不免是以朱子以護守規矩語希遜也 向

蔡季通問程君之意是如何朱子日他只要 賀孫曰公鄉問陳叔向正是如此如他說格物云物是心 他所見自守一 理會得世上許多事自家裏而底也怕理會不得日只據 彼便將聖賢說話都 須是格住這小致知如了了的當常常知覺他所見旣如 心在襄面事至方思外面事都不 不一地 男子子 イングル 都是不曾平心讀聖賢之書只把自家心下先頓放在 將聖賢說話壓在裏 未詳 偤 何年以 入他腔裏面不如此則他所學無據 希 偏枯底物事無緣知得大體因顧 遜饒錄 囬 要思量理會蔡云若不 癸丑 所聞姑附於 泛 、理會自家這 بالا

月三耳号ネルアをラ 只在坐上 故能聳 葉賀孫錄 件便只且 此祭山之根本也象山只養得這箇心聖賢言語與他 是這箇主意便不體究聖賢語脈至陽明而 合處是如此說與他不合處亦是如此說層波疊浪皆 理有箜舜處卻於這處理會為學且要專 大抵是且收斂得身心在這裏便自有八九分了卻 |動學者不知朱子早已說明惟在學者細玩爲 理會這 用間空閑時收得 件若行時心便只在行上 رائلا 뜰 又張皇之 理會這

喜怒哀 味道 煞引出 地 便自見得分曉是底便是天理非底便是逆天理常常怎 不精銳未說道有甚底事分自家志慮只是觀山玩水也 看來諸公所以不進緣是但知說道格物卻於自家根 <u>_</u> 收拾得這心在便如執權衡以度物 日敬莫把做 一煞欠闕精神意思都恁地不專一 問 切都絕意雖似不近 旦は今谷へぶし 死生 一樂未發之中便是運然天理事物之來隨其是非 了心那得似教他常在裏面好如世上 大關節處須是日用間雖小事亦不放 件事看只是收拾自家精神專一 人倩要之如此方好 所以工夫都 발 等閉 恁 在 地 過 此

間 理 曉 **为**可華星老 身推之 實是有君 其用 離 只就自家身上求之都無別物爭只有箇 得只是做工夫全在自家身心上 林 何干髮萬 得這 如 則實是有惻隱羞惡恭敬是非更假偽不得 址 於家 說大學I 四箇 用 臣有朋友都 化 工夫當死之時方 風を後え 也離這 如信者實也論其體則實是有仁義 實有是父 日大學只說箇 面有 四箇 子有夫婦有兄弟推之 是待後人安排是合 夫節 逻 卻不在文字上 自看 面有耳 機看 日 然 目 之間 禮 過 天 智 地之 說 原 更自 便 自

胶追 又日若 求生以害仁有殺身以成仁這若不是見得到如 萬物各得其所者惟是先知得天地本來生生之意 **致其身人多會說得不曾見得決定著如此若決定** 地 因 地 |位欠關些子便自住不得如事父母能竭其力事君| 所生共這根帶所以大率多同聖賢出來撫臨萬物各 其性而導之如不殀夭不覆巢不殺胎之類所以能使 子是甚号各 此看 他自有父子夫婦兄弟朋友君臣只緣本來都是天 是 知所止便見事事決定是如此決定著做到 如何也須要到蝎其力處須要到致其身處無 都 如此 名う 至於 物亦莫 不然但拘於 甓 形氣 如 m) 能 此

地 者緊要在求其放心若收拾得此心存在 グニー馬馬る田川名 見只是學者可 日 若見得親切自然信得及看得大學了閒時把 日格物時是窮盡事物之理這方是區處理會 見得古人所以處事變處儘有短 處到那裏便用子細研究若那分曉底道理卻不難 如此則本領處是非善惡已自分曉惟是到那變 致知格物固是合下 自有箇主宰會去分別取含表裏精靡方知 見不親切故信不及如漆雕開吾斯之未能 到後亦離這意思不得學 長 들 已自看得 到得 史傳

到 或是事未來自家先有箇 家心事才係於物 IF. 在 則胸 物 便修 胸中不能忘或正應事時意有偏重便只見得那邊 都 THE TAN GIP C'S WINCH 911 是為物所係縛旣爲物所係縛便是有這箇物事 來應之便差了這如何會得其正聖人之心瑩 外 心有所好樂章朱子日視聽是就身上說 中無些子私敬洞然光明正大截然有主而不亂 家便齊國便治天下可平 HI 到方會意 酬酢萬變都只是隨其分限應去都 心便為其所動其所以係於物者有 誠可者必為不 期待底心或事已應去了又長 可者決不肯為 不 مناد 關 到 ीप

說敬 虚 日整齊嚴肅亦只是主 物隨應 敬 明物物無遺 心極其敬當 因 無纖毫形迹 只敬君親 說 到放 事 便敬常惺惺也便是敬收斂此心 此心 最 嚴 اناد 易 元不曾有這 時更有親 如 見試自體 便不須管得事事都 看 便有惻隱 **惻隱羞惡辭遜是非是正** 事物之來若大若 無適意 察看便見 箇 面 前也 思辭遜 物事且 且自看整 如此 只是要教心 須敬其親 是 如 小 四方八 不容一 敬 聖 一齊嚴肅 以事 心才差去 終不 面 君

箇道理人只要存得這些在這裏才存得在這裏則事君 類則羞惡之心便發合恭敬處便自然會恭敬合辭遜處 必會忠事親必會孝見稱子則怵惕之心便發見穿衛之 便自然會辭遜須要常存得此心則便見得此性發出 子才有知識此心便放了這箇便講學存養 引成性存存道義出矣如何朱子曰明命明德只是 何朱子日這說自有一 是道理若不存得這些待做出那能會合道 皇祖とう父母のなり 無近人人心都是放心也無一 事窮不得須別窮一 項難窮底事如造化禮樂度數 事與延平之說 Ľ 箇 理

等事是卒急難曉只得且放住須是且就合理會底所 不能 問以其理之一 叉理第二 理會延平說是窈理之要若遇 便 卽 講究須端的知得做將去自容易若不知得雖然怎 知朱子日氣稟偏者自不求所以知若有這心要求 了然這箇理未嘗亡才求便得又日這箇 捉在這裏今夜捉住 在這裏緣本來箇仁義禮智人人同有這被氣稟物 件恁地終身不長進 一故於物無不能知以其稟之異故於 明朝又不見 平常事這 了明朝捉 件理會未透 便須是要 住後朝 理 或

吾其性 然有風 神看得 鬼神 地 陰陽之 三国家学文の「公文」 裏 便是 有許多,聰明知識這是如何得恁地虛空之中忽 思量來只是 雨 /從小! 面 何是陰陽日魂如火魄如 到這裏見一身這是箇軀殼在這裏內外無非 雷電這是如何得恁地這都是陰陽相威都 精 氣所以夜來說天地之塞吾其體天地之 水鳜魚肚裏水與鯉魚肚 朝朝只恁 神魂魄 學中如禮樂射御書數 一質道 如何朱子曰然且就這 地 穩 理又云如魚之在水外 穗 **俊到** 水 裏水只 、地位 綱 都學了及至 一身看 囬 帥 是

曹敦今無所用御如禮樂射書數也是合當理會底皆 通透意誠心正了就切身處理會旋旋去理會禮樂射御 頭須是莫斷了若斷了便不成待得再新整頓起來費多 是難但須莊敬誠實立其基本逐事逐物理會道理待此 オコ耳鳥末町一名ノ 度又干自家自己甚事 大便只理會窮理致知工夫而今自小失了要填補 力如雞抱卵看來抱得有甚緩氣只被他常常恁地抱 日岩不見得入頭處緊也不可慢也不可若識得些路 用但不先就切身處理會得道理便考究得些禮文制

周旋中禮盛德之至君子行法俟命是此意否曰這是兩 問留子易質當時若差了這一蓍喚做聞道不聞道日 項動容周旋中禮這是聖人事聞道不足以言之自興道 た。自己は自己を大日では、 只是這理佛家百般費力要掃除這理教無了一 易實與不易寶只論他平日是聞道與不聞道平日 是死得是死是則在生也都是若不聞道在生也做不 到死也不是吾儒只是要理會這道理生也是這理死 了自無可得聞行法以俟命是見得了立定恁地做 問聞道自聞道也無問於死生朱子日若聞道而 生被這心撓間伊川說此一段及呂氏說動容 生

为万马马来。明一作八 不放過 是真實事事物物接於吾前便只把這箇真實應副將去 目家若有一毫虛偽事物之來要去措置他便都 日忠是一 將去無 闆 那時也不到會放過日那時是正終大事既見得自然 厚合薄便薄 道理若自家真實事物之來合小便小合大便大合厚 孫舉大學或問云心之為物實主於身其體則有: 道 一那時萬 事 恕是貞忠只是 合輕便輕合重便重 一有照管不到也無奈何間若果已 物不當這道理 一箇與實自家心下道理 異が 都隨他面分應 聞 道

人只是這 信 則 感 論語 義 夫婦別都只由這箇心如今最要先理 経生谷順生し 只是渾然 丽 施之 所謂 性 應以至身之所具身之 如鄉黨等處待人接物干頭萬狀是多少 不遷怒不貳過且 簡道理做出 理也元 释加三 父子則父子親施之兄 **贝無些子**猹 則 一月不建了 有 去 貫意思朱子日 澤不 看 **叉是已前事到這** 所接皆有當然之 遷怒 遷 弟則兄然 、貮是 如 群· 非之情運 鏡 您水止 如何顏 君 則 加 在

非須 綸 有干頭萬緒 頭卻在非禮勿視聽言動上面如今要緊只是箇分別 非應接朋 得那簡是那箇非才去動作行事須便見那箇 耳 是 THE PER 普 他 道理是甚次第 分別教無些子不分晚始得心中 那 番 闖 明一分分 友 箇 是這一 家是非 非日用之間若此等類須是分別教盡毫 交遊須便見那 改時其餘是這 知十觸處貫通他覺得這一件過其餘 香 叉日顏子地位已 齊打併掃斷了叉日這工 箇是 那 一套須頓悄了當 心若只管恁地 **简非看文字**須 Ξ 高纖 思慮發起 那時

只缘 心 在這 後 固有 明諸心看 有許多道理事物上 子但我与各型 別 少間 | 分別愈精 裏看甚麽事物來長短小大只稱量將去可使 只是 是非分明程 本心先敬了日 固 齊 事物如何來只應副將去 這簡精 則處事愈當故書日惟精惟 道 事是非之理莫不各具所以是非不明者 都滾做不好處去都 理一 先 生所以說纔 固 念之初干事萬事究竟於此 是若 面各各也有許多道理無古今無 直 是 知得事物 雑 明被即 不解 如尺度如權 分明便是 嗹 巨 此 問 自家心 灰 衡 設 能

問 多是不能守得這心譬如 □語句句是為自家身上設义云內外資主只是如今人 (出去了若說在內譬如自家自在自屋裏作主心心念 (這道理難得便會分明又云 看得道理透少閒見聖賢 只在這裏行也在這裏坐也在這裏睡臥也在這 不違是時復又暫出外去 過 此 里鱼才 面來或一 顏子所謂欲罷不能這箇工 已了只是這箇關難過纔過得自要住 番入裏面來他心自不著這裏便 日這只是說循循勉勉便自 便覺不是自己屋便歸來今 **間屋日月至焉者是** 一夫入頭都只在窮 日

得分明 見得沒了 便假了岩見得逍理明白遇事打併淨潔又仰不愧俯 日人自從 理會這道理此心元初自具萬物萬事之理須是理會 這裏便與一 這氣自浩然 常恁地 認 分曉漸漸衰颯了叉不然便是行有不慊於心氣 夜營營於外直是無人守得這心若能收這心 四端擴充之意云云朱子曰只要常常恁地體認 一體認則日用之間匝 生時受天地許多 一世都背馳 了某嘗說今學者別無他只是 /氣自恁地周足只緣少問 匝 都滿密抄拶 地

臨 簡最 是 理卻 |如今做| 百來箇 事方 他點過看他如何 自此推之不是 是 則存 果 要岩 箇 要 (窮理從) 舍 箇大底其他道 小底物事既存得這大底 開時不能 窮 則亡 卷入 理自 卻只是這 程. 心從仁人心 那 從外面去 能操 裏 規模 是分明事 子 捉起惟是 而存之 如何安置 為操 理 件最緊要這主 尋討 總. 之之 包在 此心依前自 平時常操存得 這箇道理自 頓如今做 似有箇· 道惟在 其他 裹 面所謂 小底只是 大底物 敬 工夫只是 在 窮理 以 無 直 適 亦 內

常常 不放日看程 儙 心便是不放不是將已 きという 認 問放心還當將放了底心重 是已得 不是已往之陽重 生 這 出 此 筒 11/1/20 意 也 先生所說文義自 初 來這一章意思最好須將 此心方可做去不是道只塊然守得 只是 段 無形 **叉 躋得 甚麼所以明 道叉云自** 影 存 縱出了底依舊收將轉來 得 忽然而存忽 新將來復生舊底已 此心 可以存 是 新收來還 如 此意仰不 能 過 只 然 無 收 間 如

惡 得 善惡若 此心逐物 在這 に是不 收 那 聖馬市 得轉後 理雖 放之心這箇心已 裹 邊 此心 便他· 具於吾心還使 物 쨎 則 成 常 無有 去知許 私意 存得 此 是新底水 丽 心便在這 存 放了 道 多道 理 **小能盡道** 他 理 在 向 這裏方始 理 知始得 如 裹如渾水自流過去了 反覆顛錯 何會收得轉來只是莫 間遇事做 理 了 堻 如 得 得 箇心 何 認 邊 在這 得 始 洞 如 善 談

無少闕! 爽 でと、自己書 学文書へなし 可漸存 眼 邓 盡心也未說極至只是凡事便須理會教十分周足 前 問養心莫善於寡欲養心也只是中虛朱子曰 事事 漏 不好成物事只是眼前事才多欲便將 到存得熟後 心莫是極至 得此心若事事貪耍這箇叉要那箇未必 處方是盡存也非獨是初工夫初 秀才要讀書 要時這心便 地 要讀這一 也只是存追存字無終始只在這 位存心莫是 齊走出 件 叉要讀那 了未說是無只姨少 初 Ę 存得這心 間 固是操守 否 固

學寫 章這不是僻道理是合如此人只 字叉要 **喚做知道也是** 看從古作為文章之士可以傳之不朽者今看來只管問處用了心到得合用處於這本來底都不 要得算欲存這心最是難以揚武聖人孟子猶做知道也是此初心下只趨向那邊都是做外 見欲之可畏 也反復得這 他 两光 學 旅 奏之書 作詩這心 處用其心不要人學寫字不要 無小大皆 本心如不 箇 獒 受 了 有 甚 大 都 不可 週聲色 有 出 一箇心如何分作 外 忽 去 所以伊 不殖 人人學作 是做 貨 川 利只

敬 便 說得 之問 皆足以為心病某前日病中閑 是動自家 須要辨別是非好畫 二层层写的 才開眼便要看他心下 他 不是機說寓意便不得人好寫字見壁間 裏靜 不睹 罗欲朱 敬是常惺惺法所謂靜中有簡覺處只是常惺 恐懼 何似閉著 心東坡云君子可寓意 是睡著 多し 不聞與謹獨雖不同若下工夫皆是敬 未說 眼坐得此心靈 見畫軸便須要談美惡這都是 到事只幾有意在上面便 便走出來在那上 坐無可看偶中堂掛 於物不可留意於物 靜 至 因 有碑 思 軸

叉日這箇 說此語但他說便只是這箇叉不用裏 須常認得這意思問此是誰語日此是古人語 便如此 其量是甚麼樣大合下 得箇空蕩蕩底公更看横渠初看有許多節拍卻似 此吾與是如 無 倒 太 形體便是這箇 箇 物似宙樣長 極是箇大底物事四方上 物似字樣 明人名フ 此主腦便是 大 |物事性| 便 四方去無極上 亘古亘今往來不窮自家心 有箇乾 如此尊高年所以長 便是這箇物 健 面節 面許多節 下日宇古往 坤順意思自家身 事 象山常要 拍卻 極 同 胞 下

置

用功二 横渠這般 之子之翼 節目言之便是各正性命充其量而言之便是流行。 便恁地廣大便恁地光 道之謂教處因云今且須涵養如今看道理未構進便 於尊德性上用功於尊德性上有不足處便須於講學 「然又問聖人定之以中正仁義而主靜日此是聖人修 三手 ラスロー・おし 一者須相趙逼庶得 能常講學於本原上又更好覺年來朋友於講 較多於尊德性上 他 說話體用兼備豈似 樂且不變純 輝於講學上 一說較少此所以講學處不甚明 互相振策出來若能德性常 乎孝者也其品節次第 他人只說得 須更精密見處須 듣 邊問自 文如

亦未可便歡喜在荀子言君子大心則天而道小心則畏 地 是箇主宰若恁地持守勿令走失也由他若不收斂 而質蓋君子心大則是天心心小則文王之翼翼皆同 則自然不急迫如有 囼 1心只是放筧平 只操便是主 物事禮又是 也由他釋氏這處便說得驚天動地聖 **宰在這裏非禮** 便大不要先有 簡物事勿又是一 **鸸患之來亦未須驚恐或有所獲** 勿視聽言動不是非禮 私 箇物事只是 礙便大心

分見了便就這處分別從善去 **行** 莫見 覺處此二 條記得極 之理 有簡 未發之前只是戒惧乎其所 日はとうなり、大い 在始得 動綻大綱 季明問喜怒哀樂未發之前求中 平隱莫顯乎微雖未大段發出便已有 句似反說無物字當 好只中間說謂之無物則不可 雖是 耳 約住 無 聞 執持在這 向 目 悪難 無 作有物字面 見然須是常有箇主 不睹恐懼乎其所不聞 耳 無聞目 裏到謹獨處便是 E 然靜 向空寂 無見然見 養於喜怒 中須 毫

是靜 只是被 附麗 宰執持後 底 心統 便 物 底物事 是說靜 中在 事 性 義 在下 ना 叉說! 聽 無 在 如 則異 凡陽在 中有 失所 言動是[:] 則沒處去了只得 艮 則說 朱 以 動不是 (順陰柔) 卦又是說動中要靜陽是 此 為 蓋柔媚之 下便是殼 日統是主 中大綱 意 加 不能自立 瞌 物在上 此亦是有意 動意思在 且 挐 11: 睡 故曰 底 静 執 如 人受天 持在 統 須附於陽在 中間 县 則歡 百 這 其止陰是 地之中 萬 中 常 裏 便是陷 動底 軍心 了 憇 便 物事 中 有箇 是 是 面 柔 說 渾 則

故恁 思公自 相近問志 便蜀 便喚做意橫渠云志公而 三天 二万人 是 通 地 如仁義禮智信是 志 說 通 非之心這是情 子 說問意者心之所發與情性 便 如 細 動 何 隱羞惡解遜 剛 看 / まし 日志 EI 意便柔志便有立 見得意多是說 則 因 也與情相近只是心寂然不動 亦與心通 性 物 是非是情然有說道 而 意 凤 叉有說仁 私看這自 私意志便說匹夫不 作意思意便有 說這是情性 是 理情 一心義: E 如 說得好志 何 是 心這 日意也 用 側 性静 是 隱 便 於 煮 性

無 西鉛 不是父母父母 一說神化等卻 做 失吾乃帅然精義 耳 日吾學旣得 《云陰陽 女則凡 夫非 明一ネノ 條朱子日 是 更 天 上徹 氣推行以漸 於心則修其辭 作 不是天地不得 須子細看他 不似横渠較說得分 下之男皆乾之氣凡天下 用 於外 入神者豫而已横 即是 入神是入 乃所以可 就理 **謂化闔闢** 分明是 命辭無差然後斷事 箇 至於微 致用 明 而 於 果 不 分殊而今道 透過了叉 下之女皆坤 外也 理乾道成 測謂 可謂精義 神伊 此卻 謂 斷 仭

日家父母自是 子日這 前氣象為如何而求所謂中者與伊川之說若不 先生所作李先生行狀云終日危坐以驗夫喜怒哀 理不道是這箇是那箇不是如水中魚肚中水便只是 殊底意乾稱父坤稱毋道是父毋固是天氣地質然與 面 同胞 日三妻とラメゴーない 處是舊日下得語太重今以 裏面便有理 是有些子偏只是被李先生靜得極 質親疎從這處便理 分殊底意吾與裏面便有 便是自家 伊川之語格 分殊了 5 相 理一 樂 則 偤

为三里里 理盡是自家固有底仁義禮智知皆擴而充之若火之 万可以講學要知這嫄頭是甚麼只在身心上看許 歸著看聖賢書便句句著實句句為自已身心設如 如 腾 孟子發明許 性看看得這箇物事破了然後看入裏面去終 **수理會道理要識得箇頭若識得箇** 是 如奔驰若 有箇覺處不似別人今終日危坐只是且收斂 · · · 名ブ 多道 简是源 頭見得這 箇 向 理都蓝· 如此 又似坐禪入定 此 外更無別法思惟這 頭上 源 頭

鄸

得見說思無邪便定定著思無邪始得如說足容重是天 たよう回じとなり 如說非禮勿視聽言動自是天理付與自家眼耳 人只在追些子叉云見說毋不敬便定定著毋不敬始 不督教自家視 日容端日容止聲容靜頭容直氣容肅立容德色容 云 下付與自家便當重自家若不重便自壞了天理手 把聖賢說話將來學便是要補填得元初底教好 便不是天理 之曰這道理也只是如此看須是自家自奮込做 不然徒記得說得都是外 非避聽非禮言非禮動非禮機視 面閉話聖 \mathbf{Z}

語敬之日 今只恁地慢慢要進叉不敢進如將手恁地探摸只怕 孟子讀了依舊是這箇 好 孟子自家身已自是自家身已讀書看逍理也須著 1家自儉 要安排不要等待不要靠別人不要靠書籍 看 马老 打撲精神看 公大病痛只在 敬之意氣甚弱只是 **斯//**着 點公曾看易易裏說陽剛陰柔陰柔是 教分明透徹方於身上有功看公如 人便是不曾得他 箇 懦弱須是便勇猛果決合做 不見得道理分明且說 裹 面意思孟

管伯億 八日今來朋友相聚都未見得大底道理若只恁地 依前不濟事這大底道理如曠闊底 費了時光須是 某近看得道理分明便是有甚利害有甚禍福直是不 許多義理自家合下也有許多義理 安顿處自天降波萬理皆具仁義禮智君臣父子兄弟 **箇些方始架造安排有頓放處見得大底道** 直是見得道理合如此便做將去 コ三人とライー 婦自家 甚麽彼丈夫也我丈夫也吾何畏彼哉他合下 身都擔在這裏須是理會了體 **男猛向前** 做 他做得自家也 基址須是 3 理 開 如 逐 何 也

攸 或盲 寫得好只看他把筆 無些子空閥處堯舜禹湯也只是這道 要看他編得好須看他下針處如人寫字好不要看 周 囬 1今且看# 重 規模闊開其基廣關其地 足略欠缺些子不得 床也在上 學者 班人名 日用之間只在這許多道理裏面轉喫飯也 先生動容 一面下床也在 文義只是目下所行底 處 周旋以自 須 要級 上面脫衣 少間 心直 到逐處 要理 理如人刺繡 如 服 昕 心在上 會 即 何將文義 看逐 教盡 文義 須是 花 卻 愿 面 在 別

來人讀書 如 又不是大段值錢了不能得他讓只問人借將來讀也 賢所以垂世立教之意是如何古今盛衰存亡怡亂事 做秀才未說道要他理會甚麼高深道理也須知得古 是如 不識 何 和 一向只去演時文如何擔當箇秀才名目在身已 有客同侍坐朱子曰這下 M 何從 只是要緊如六 文 如何做上人須是識得許多方成得簡 莪 ニノスブ 乃是 古來人物議 科 4 舉計已自是末 鄸 行之 一經漢書唐書諸子也須著漢始 論是如何這許 Ph 路 下人全不讀書莫說道教信 了如今又全不讀而赴 躬行即是文義之質 多眼前底事 人叉云 问 得 科

舉又末之末者若以今世之所習雖做得官貴窮公相 許多道理叉云如說學而時習之公且自看平日是曾 交付許多與人不獨厚與聖賢而蔣於自家是有這四 見四端頭面且自去看最難就是意趣卑下都不見上 甚麼人是要做聖賢是只荷簡做箇人 只是簡沒見藏底人若依古聖賢所教做去雖極貧賤身 不若叉云如今人也須先立箇志趣始得選當自家要做 無這四端只管在壓俗裏滾還曾見四端頭面還不 **也須思量著聖賢選是元與自家一般是有兩般天地** 而胸次亦自浩然親彼污濁卑下之徒曾犬象之 明金六 天教自家做人

如播種相似須是實有種子下在泥中方會日日見發生 甚麼曾有說意思無說意思 如养弟須實是孝弟方始那孝弟之德 たととときないまし 熟明日方見有一 不曾去學曾去智不曾去智學是學簡甚麼智是習简 是得之於心業是見之於事進德是自覺得意思日 到那裏面亦須照管得到居業是常常如此不少問 不同立其誠誠依舊便是上面忠信修辭是言語照管 問忠信至存義也朱子日以忠信為本忠信只是實 [無根了如何會進今日覺見恁地去明日便漸 二分後日便見有三四分意思自然覺 一日進一 業 一日苔 斷 能

只是這箇道理常常存在這裏可是心肯意肯之義 是見得前面箇道理便能日進向前去存義是守這箇義 裏便可與理會幾微處知終是知得到終處終之謂意思 叉日知至是知得到至處至之謂意思也隨他到那處這 先之問敬以直內義以方外朱子曰 在這裏明日也存主在這裏 業是德之事要終始不易居是存而不失之意可與幾 一隨他到那裏這裏便可與存義存謂存主今日也存主 **国局を田り名**フ 日振作似 如此敬以直內是無纖毫私意胸 日 不是外面事只是自見得意思不 說只恁地說須自去

然徹上徹下麦裏如 地不是處決定不恁地截然方方正正須是自將去做工 異於科學之文正是要切己行之若只恁地說過依舊 **夫聖門學者問一句聖人答他** 行得如今說得儘多只是不曾就身己做看某講學所以 てこの三年とう女はいいだし **酒事若寶是把做工夫只是敬以直丙義以方外八箇字** 又曰某今且 生用之不窮 然有許多年紀不知老之至此也只理會得這些子歲 一勒诸公所去外務趙工 し做追工 義以方外是見得是處決定是 一夫將謂下梢理會得多少道理今 **句便領略將去質是要** 一夫專一 틧 去看這道理 恁

由 佞辭 何不由敬出 而得其宜所以此心常要肅然虛明然後物 何此心常卓然公正無有私意 出朱子日如 战此 間 為明春智皆出 雜進而不察何以為聰亂色諛說之容交蔽 如何程 可畏 思便是不敬故曰敬以直內要得 把做 且 此間 以一國之君看之此心總不專靜 如 **氏說到事天享** 址 偤 於心心既無主應事接物何 乃見公全然不用工夫 一敬字說過須於 地 便是敬有些子計較 方說聰 日用間體 百 、聰明春 不能被 明睿 IIII 則 認 思 姦

邓叉实 得義理分明看公恁地因漫漫地則不敬莫大於是 うこ 葉賀孫所錄在辛 考者別載專錄者略類於此朱子進德之實於是錄 上葉賀孫錄 生意又濟得甚麼此見得 即居敬窮理合 也其日收拾得此心在則本領處是非善惡 明詳悉可考其 日三天二とラとコースならし 說 所止 八日收得: 便見得事事決定是如此此窮理 亥以後凡錄 一之旨也其日雖存得心在 此心截然在這裏此居敬 天地本來生 **神**莫令頹塌放 中與他 돛 倒 更無 年 可 動

此 見得幾謊 了 子 知 將這箇 是道 賞賞做去 而發用二十餘年工夫方得 私欲胸中 境也學者讀是錄而 知 隠 旦オ 者 理用之不窮此朱子六 心也其 自 去窮理自是分明常存得實理在這 不惑也直是不怕 則身心隨在 洞然義形於外截然方方正正徹 與湖南書中以是為本已發 日 心無所係仁者 帖帖定定惺 有整肅處道 男者 到此是以敬立於內 不懼 從收斂身心窮 惺 四歲理會得這 不 也至 憂 理即 坌 地 未發說中自 其日端 於 随 表徹裏 操存熟 此 的

又日 长子聖學等格更能不 曾與宗問如何是明明德朱子曰明德是自家心中具許 /道理在這裏本是箇明底物事初無暗狀人得之則爲 如惻隱羞點篩遜是非是從自家心裏出來觸著那物 訓 推之不句外面尋討諄諄向裏如是而議者猶以向外 疑之豈其然哉 狡 自明惟是定後卻好去學看來看去久後自然徹 人心惟定則明所謂定者非謂定於追裏全不修習 那箇物出來何嘗不明綠為物欲所蔽故其明易昏 人讀書窮理只在自家身己上不在文字上只自 前克治只在這裏看 事實於是錄得津 笑 梁禹况 北 此

羞 隱羞惡辭遜是非等此是心中元 不是甚昧但恐於義理差互處有似是而非者未能分別 財 且 惡便是仁義發而為辭遜是非便是禮智看來這箇 子卻以為 便見惻隱處只是見不完全及與甲兵危士臣處便欲 陷於不義這處方是孝恐似此處未能大為分別得 |如齊宣王見牛殼觫便有不忍之心欲以羊易 自覺胸中甚昧日這斯德亦不甚昧如適來說 之是見不精確不能推愛牛之心而愛百姓 人能冬温夏凊追便是孝至如子從父令本是孝 不幸與其得罪於鄉間不若且讓父之過 有此等物發而 爲 惻 隱

黄間立志以定其本居敬以持其志朱子曰人之爲事 移易任是干動萬動也動搖他不得旣定則能靜能安能 **瞽叉問致知格物朱子曰此心愛物是我之仁此心要愛 愿愿則能得其所止之賞** 因 則有所定有所定則知其理之確然如是 說 別尊卑上下之み是我之灩以至於萬事萬物皆不 子追與写格一次在八 **知止至能得上云** · 義若能分別此事之是此事之非是我之智若 所存如此且恁地做去 理其實只是一箇心一 止於至善此又提起來說言能 **箇根抵出來抽枝** 一
足
則
不 可 知

去他不得 敬與事物皆不相違言也須哉 動也須敬坐也須敬頃 居敬以持之此心亦远然而無主悠悠終日只是虛言立 先立志以為本志不立則不能為得事雖能立志苟不能 持之不使暴戾日此乃是持其志志者心之所向持志 朱子問公每讀毋暴其氣如何鄭云只是喜怒哀樂之時 志必須高出事物之表而居敬則常存於事物之中令此 是養心也不是持志之外別有箇養心持者把捉教定當 **グニ 聖過 ラ** 喜怒時也須喜怒當哀樂時也須哀樂審教定後發必中 節這是指志若毋暴其氣又是下 面 一截事若不當喜怒 卻

則强人相牽 被他引去朱子曰逭箇亦只是認教熟熟了便不如 敵得他去非別有箇道理也只在自家心有以處之耳 無此念只是這邊較少那邊較多便被他勝了如弱 兄良問某平時所為把捉這心教定 下. 邑臣と安山の祭して 念纔生有以制之明日 則亡操則常存在此大學所謂忿懥好樂 般要得勝他亦是將養教力壯後自然 暴其氣者乃大段 過分不當哀樂 儱 念生又有以制之久後 而哀樂與哀樂之過分 也 **箇來正一箇** 念忽生則這 天 可

是見得鐵定如是便為善不如是便為惡此方是見得實 **所勝遇事毎毎著精神照管** 又曰見得徹處徹上徹下只是一 カニュルステン **著若常存得此心應事接物雖 或問存得此心便是仁朱子日且** 移易二 錄故附於辛亥後 卓錄云惟定則明又云知其理確然如是 定須於此下手不可放鬆 上黃卓錄按卓錄不紀年而語類中多紀與賀孫同 說相需甚有意味居敬持志工夫只是把捉教 不可隨物流去須要緊緊守 一箇道理須是見得實方 |要存得此心不為私欲 遠思慮紛擾於中 定則不可

都是不能存此心此心不存合視處也不知視合聽處 t **故能生物所以說仁為春** 有是非節文斷制卻謂都是仁之本意則非也春本温和 至事定三者各退仁仍舊温和緣是他本性如此人但見 兩箇阻障了所以知識不明見得道理不み曉聖人將格 **或問中云知有未至是氣稟私欲所累朱子日是被這** 時有許多般須得是非辭遜斷制三者方成仁之事及 知聽或問莫在於敬否曰敬非別是一事常喚醒此心 旦色学各門祭う 雖似有剛直意畢竟本是箇温和之物但出來發 每日只鹘鹘突突過了心都不曾收拾得在裏面 £

是合理處甚多有功諸將嫚屬待他都無禮數所以今日 認得這言語中有一箇道理在裏面分明久而思得熟只 得熱只見理而不見事了如讀聖人言語韻時研躬子細 事上皆有一箇理當處事時便思量體認得分明久而 物致知教學者只是要教你理會得這箇道理便不錯 分丁里島本 第一人名フ 如漢商帝做事亦有合理處如寬仁大度約法三章豈不 見理而不見聖人言語不然只是冥行都願倒錯亂了且 道理前後恰似兩人此只是不曾真箇見得道理合如 做中理底是他天資高明偶然合得不中理處多亦 人叛明日一 人叛至以愛瑟易太子如此全錯更無些

日格 旋抵將去不要放過積累工夫日久自然見這道理 者理會道 理為上又問客氣暴怒害事為多不知是物欲耶 得他次第這邊分明了那邊自然容著他不得如今只 日只得逐旋戰退去若要合下便做一次排遣無此 便處事不錯此與偶合者天淵不同問去私欲氣藥之 不濟得事須是當事時子細思量認得道 世紀学路に経し 稟物欲亦自相運著且如人稟得性急於事上 件明日 理要他奧箇見得了方能做得件件合道 端推了古 格一件遇事時把捉教心定子細體 今人物都只是如此 Ħ 理分明自 所以聖 氣稟 人教 理 理

勝得他 問事有最難底奈何朱子日亦有數等或是外面阻 欲必急舉此 興是紛亂時隱是隱奧也全在探索上紛亂是他自紛 不得或是裏 若 分明逐事上自有 **細微處難處全只在人自去** 只逐 定之見安能 旋 面紛亂處不去亦有 一端可以類推又日氣稟物欲生來便有 男. 14 (白去) 理會消磨大要只是觀得理分明便 等人情底事得遺 循道 道 粉亂得我大凡一 理易日探噴索隱賾處不是 理會大概只是要見得 種粉拏時及纖毫 退時1 等事固不可避 且追 退 遏 亂 做

得勝他 時 在 爭雖是難亦是自著力把持常惺惺不要放倒覺得物 由自家日 我之事 把 便著緊不要隨他去這箇須是自家理會若 不奈 下恐懼憂患只是徒然事來亦合當思慮不妨 心不定喜怒憂懼四者皆足以動心問忿懥好樂 「理或謂! 何有合當 不去是自壞了更說甚爲仁由已而由 可以勉 要摟攬 都不得便是外面來底須是自家有箇道 把持不能人勝物欲不去 强不做如爱思恐懼乃是外面來 住 几 不得底事此卻要思量處置裏面 可以省得底 日追不 說把持一 理措 底 欲 都

曾界其本心也不濟得事孔子畏匡人文王囚羑里死生 要做勿徇他去所說事有善者可從又有不善者間之 子聖學考野人卷入 日凡日用工夫須是自做喫緊把捉見得不是處便不 理自此以上誠意正心皆相連上去 不是自家做又 分明自然無此思所以聖人教人致知格物考究一 前了聖人元 是顏子問仁孔子答許多話末云為仁由已而由人乎 從不善處去所思量事忽為別思量勾引將去皆是自 不曾把捉得住不干別人事須是自把持不被 不動心處之恬然只看此便是要見得道 如何得 明把捉之說固是自用著力 丰 **%他引去** 依 窗

三年 皇皇等谷人家人 則 通 無 約而言之論孟固當讀六經亦當讓史書又不可不讀講 乎熟者只是要得此心與義理相親苟義理與自家相近 一 後不過一二 枯槁 得多便自然熟但始初須大段著力窮究理會教道 以 非理之事自然相違思慮多走作亦只是不熟熟後自 **涵寰灌培使此心常與理相入外後自熟方見得力處** 無该味卒急不易著力須平 周明作錄 類 而長孟 一番稍 子曰夫仁亦在乎熟之而已所以貴 難向後也只是以此理推去更不 Ī 明義

周明作謂私欲去則爲仁朱子日 オコヨ島老町門名ノ 理會處又其次則解釋文義 雜之 ,日韻書之法有大本大原處有大綱大目處又有逐 可謂 此 固不見若謂雲霧去便指爲日月亦不可如水亦然 謂無沙石為水也 作同時謂私欲去後便爲仁則不可此 固非水之本然然沙石去後自有所謂水者不 段吳雉錄不紀年因周明作 私欲去後便為仁則不可曾如日月之光雲 不深思而得之 謂私欲去後仁之體 所問雉錄之自與明 語的是儒 舺 一霧蔽 佛 事

行兵當 讀書也只見理而不見文字語言此固 削 理專於守心者可比 須自把捉又須多讀書明義理以涵養量他家略於窮 明淨之候所謂至善所謂太極即渾全於身心中也旣 日自家既有此身必有主宰理會得主宰然後隨自家 第理 明作所紀 理會事物解釋文義亦自大本原 皇玉られ、とし 先做活計 格物而 動心其應事也只見理而 而潛玩之朱子是時立心定見理明死生 合做底事不可放過些子因引程子言 哉 而窮究之非外也 不見好樂憂思 1 心凝然萬理

吳知先問夜氣如何存朱子日孟子不曾教人存夜氣 オー
事
粤
ま
、
男 問應事心便去了朱子 歇得些時氣便情又日他前面說許多這裏只是教人 存其心又曰若存得此心則氣常清不特平旦時清若 存得此心雖歇得些時氣亦不淸良心亦不長又曰睡 理官得主宰是要緊工夫只應事時便別雲歷! 上甘節錄 方體驗得心在此應事二句之妙 如井水不打他便清只管去打他便獨 心在此應事不可謂之出在 餘

畢竟是自家精神否曰祖考亦只是此公共之氣此身在 氣不可分說都是理都是氣那箇不是理那箇不是氣 古聖賢所謂氣者只是天地間公共之氣若祖考精 地間便是理與氣凝聚底天子統攝天地負荷天地 與天地相 不相干如 以禮言之人之先祖大概以禮爲主亦兼以氣魄言之 上古聖賢只是導以理言之否朱子曰有是理必有是 三三 11x X2 1 122 諸侯不當祭天地與天地不相關便不能 關此心便與天地相通不 而言天地 功在萬世今行聖賢之道傳聖賢之心 山川之 分明是 可道他是虛氣 至 氣流 間

分子・聖与者・野人名人 載古人全句 子問近來全 亦以吞陽來 多基業此心便與祖考之 是負荷這物事此氣便與他 密 祭初間聖人亦只是略為體以達吾之誠意後來遂加 多禮儀不成是無此姑謖為之人家子孫負荷祖宗 敷版入心 明其德夫皆 則神亦來秋陽退則神亦退故於是時 不添一字库如日 無所問是 遂乘興看數日日遺費錄明道語多 是亦有重 在此做甚工 心相通祭義所謂春諦秋嘗 通如釋 出者是當時 思無邪如日聖 夫義剛對 奠列許多鏈 敷

戒甚然純一之謂齊肅然聲惕之謂戒到甚然純一 以說性者道之形體也此 **其德夫日便是聖** 爭自家齋戒便會鹽聖不齋戒便不鹽聖古人 只是這處有處處皆有只是琴時先從自家身上尋起所 、日世間只是這箇道理譬如畫日當空一念之間合著 然警惕也無了 去思量朱子語至此整容 理則皎然明白更無纖毫室礙故日天命之謂性不 日齋胡叔器日齋戒只是敬日固是敬但齋較謹於 芸包といる中でなり 一人也要神明這箇本是一 句最好蓋是天下道理轉討 而誦聖 人以此齋戒以神 呈 一箇靈聖広物 八所以七

是道之全體千人萬人一切萬物無不是這道理不特自 須要常常如齋 叉日須是步步理會坐如尸便須要常常如尸立如齋便 言日不用思量他只道博我以文 約我以禮後見得那天 去那裏不可體驗只是就自家身上體驗一 有宏也有不特甲有乙也有天下事都恁地 权器看文字如何日兩日方在思量顏子樂處朱子 一要戲慢整齊嚴肅便是主 [如主一處定是如此了不用講便去下工夫不要放 马号え 用間義理純熟後不被那人欲來苦楚自 以発ラ 便是敬 性之內

簡主人人心只如客樣常常如 是道 放 心道心便只是這 子是包号图人签入 了道心今便須是常常揀擇教精使道心常常在裏 際去何處討追樂處將次思量成病而今一部論語 開眼便不恁地了須是臨事接物時常如坐時方可 恁 心便顏子也只是使人心聽命於道心不被 地分明自不用思量只要著實去用工前日所 日打坐時意味也好朱子日坐時固是 兩事只去臨時思量那簡是 便自見得今卻索之於沓 止無間斷便能允執 片 好但放 入心 說

如挽 之中乃所以為仁若克去已私而安頓不著便是不 恕之別日仲弓方始是養在這裏中間未見得如何顏 做父子父子做君臣便不是禮又問克已復禮與主敬行 腔窠且如父子有父子之禮君臣有君臣之禮若把君 亞夫問克已復禮未子日克已者必復此身於 カニ、国 国 足 オ 夫問居處恭 已復禮便規矩大精魔本末一齊該貫在這裏 意無少間斷方好 上黃義 樣待他要去時 剛鍛 明、分グ 章朱子日這箇道理須要到處皆在使 便挽將轉來方得 規矩

或 氣也 **其理耳日冬間地下氣暖便也是氣收敷在內日上面** 散了 吾身雖死卻得此理完全也 生氣既散何以謂之收斂朱子日其氣已散收斂者 雖 元亨誠之通利貞誠之復元亨是春夏利貞是秋冬秋 何以為進學 以無道得生卻是扶破了我心中之全理殺身成仁 Hart Att. 下面暖底乃自是生來卻不是已散之氣復爲 之本程先生云涵養須用敬進學則在 仁者只是吾心之正理須知道 求生害

學諸公切宜勉此 非走作之時可且收斂精神方好商量讀書繼謂之日 理會這簡道理治家有治家道理居官有居官道理雖 水風驚 此最 九容處日 晉卿請讀何書朱子曰公放心已久精神收 希周請問讀書修學之門水子日所謂讀書者只是要 走失便是今人精神自? 切要和之問不知 同然又 草動 且去子細體認待有意思卻好讀書 腴 此心便是走失視聽便自眩惑此 只是 / 卷八 簡道 敬 不曾定讀書安得精專凡看 如 何持日只要收 遇圓處圓 丰 **| 斂此心** 拾非定無 何以 然

身分上功夫莫荏苒歲月可惜也是日問時舉看詩 **片亦不濟事況未必說得明乎要須發憤忘食痛切-**拜朔朱子說諸友相飛 工夫有本領方不作言語說若無存養儘說得明自成 理自 何書時舉答欲 まこえご シラスコ 面做 見亦未能超詣不滿人意為學須是已分上 [做上去 旋尋箇道理湊合將去得到上 W. 1 面看近思錄日大凡為學有兩樣 一者是上 箇水耳 已牛年光陰易過其間 面做下來自下面 5 面 極處 做

餐這些子警端耳日若著實做工夫要知這說話也不 若會做工夫者 說若會做工夫便一字也來這裏使不著此話某不欲說 溝謂門人日爾輩在此只是學某言語盍若行之謝顯道 與人卻恐學者聽去便做虛空認了如程門中游定夫後 **分二、理/屋/オ** 見其莫不有箇當然之理此所謂自大本而推之達道也 關商旅不行后不省方在學者分上說便是要安靜酒問焉卻云且靜坐時舉因云雷在地中復先王以至日 底話大段落空無理會處未必不是在扶講時只恁 了時舉因言平日學問次第云云朱子曰此心自 門・オノ 先從大本上理會將去便好昔明道在扶 用

略 |倚靠得時舉云早上先生云諸生工夫不甚超詣| 醒又更無事矣時舉因云釋氏有必然頓悟之說不知 來所爲卻更顯倒錯亂看來所謂豁然頓悟者乃是當 處若被私欲引去 大段拘束他他既在這裏又問向那裏討他要知 石倚靠得否日某也曾見叢林中有言頓悟者後來看 有所見果是淨潔快活然稍久則卻漸漸淡去了何 人也只尋常如陸子翻門人初見他時常云有所悟後 便得超詣 子迎多号格人皆人 與睡著 日只從大本上 耳人若醒時耳目聰 便 似睡著相似只更與他喚醒 理會亦是逐旋挟去自會 明應事接物自然無 芜

向 前須是從 滔 如 所知者相反只是不曾在源頭上用功故也時舉 不實故行得無力又云 今學 來置 世紀とに **稍然去矣今有學者** 卽 是知上 水不漏直是 偭 本來 夫 面放得些水來添便自然撐得動不用 理 1/5 外面都 如 有成只要自大本而推之達道耳 欠工夫乃是行上全然欠耳日也緣 在淺水上 理會 是開須 此 在某門者 得好然所 心虚明萬 撐船 知道大本若 相 其於考理非不精 理具足 為卻類倒錯謬全 似但覺辛苦 外 立 |外面 面理貿 因云 知

ħ

R 切某 道先 別無他說但於大本上用力凡讀書窮理須要看 踏 按資潘雨家錄正是治身心要訣讀 以上潘時舉錄 拜 久侍師席今將告 峇 朔 本 少年曾有 世紀とう女性人となり 非 務收斂身 不得也賀孫錄提掇精神看: 段統得前十 加 他家 只收 心自此實 番專看親切處其他器數 建至賜 飲身心 數段會做工 言使終身 不去窮理以致漸 **鄭理見得這** 夫人自大本推之 理分 書窮理著賣處早 知所佩服朱子 簡道 明亦即 都 未 理 腵 班 淡 考 舰

邊策編為 叉日嘗欲寫出蕭何韓信初見高祖時一段鄧禹初見光 日然因泛論歷代以及本朝太宗眞宗之朝可以有爲而 卿問秦漢以下無一人知講學明理所以無善治朱子 教人親切語直從自家親切處流露出來隨所問而答 為太宗毎日看太平廣記數卷若能推此心去講學那 得來不過寫字作詩君臣之間以此度日而巳眞宗 非潛心玩味豈能識其眞諦 昪 朱子是時 段武侯初見先主時 卷吳雅錄 明に発う 一性之內直是道之全體渾然充足故其 段將這數段語及王朴平 哉

青安於小成要做極治之事只是資質慈仁卻不甚迫曉 海則盡三月服謂凶服訃所至不問地之違近但盡於朱子因說天子之喪自太子宰執而下獨降其服至於 ALAL BERTHERE STAND 人縣進縣退終不曾做得一事然百姓戴之如父母契 而止天子初死近地先聞則盡三月違地或後聞之亦 各為天子三年之喪而列國之卿大夫又各為其君 於三月之內也又云古者次第公卿大夫與列團之諸 子因說天子之喪自太子宰執而下漸降其服至於 側怛故能動人如此 初陵中國後來卻服仁宗之德也是慈仁之効緣他 西视縻費巨萬計不曾做得一 事仁宗有意於爲治 全 四

年之服 其民當 監之長外則監司郡守皆自得通章奏於君者凡此者皆 服 杖以次則不杖如太常卿杖太常少卿則不杖若無太 三年之喪 謂得自通於君者如內則公卿宰執六曹之長九寺五 者服三年之喪為此也又云君之喪諸達官之長杖 本國之君服三年之喪也故禮日百姓爲天子諸侯 马与卡 卿代之杖也 何 則不復爲天子服百姓則畿內之民自 止是自服其君如諸侯之大夫爲本 問戢盜朱子曰只是嚴保伍之法鄭云保 如 H 服當檢看 A 王畿之內公卿之有采 國諸 爲 地 達 常 服

教習諸軍弓引等事皆無一人能之後分許多軍作三番 鄉村舉眾所推服底人為保頭又不然則行某漳州教 上等者亦多後多留刺以填闕額其有老弱不能者並退 ドアーロビロデルラルと一人公立へ 法以嵌盗心這是已試之効因與說某在漳州初到 射及等則止終不及則罷之兩月之間翕然都會射及 之他若會射了有賊盜他是不怕他劉叔通問韓花當 日翰番入校場挽弓及等者有賞其不及者留在只管 兵甚善朱子因云公道韓公兵法如何又云刺陝西 何故這箇人恁地不曉事儂智高反亦是輕 難開防如保頭等易得挟勢爲擾曰當令逐 全

如 クニー理学 何會 簿尉 判去 聽詞 他 可疑等事便留在集眾較量斷去無有不當 恁地費 壅此非獨為長官者省事而 耆 壓 患封送下狀 與上 到著到時 狀 倒 等初自使之決獄聽訟得熟是亦教誨之 說或是作 集屬 11/1/11 了於是措置幾隻厨子在 目 亦復如 縣看 索案底自 如 都 來列位 雨 初 此若是 亦 狀 於 牒 爲 膧 如 **廳上看有多少均分之** 手斷幾件後覺 何煩多都自有 厨 眼前易事各自處 屬官亦各欲自效兼 廳 上分了頭 == 則獄 也 箇 項 訟 斷

干照計 做文章都 子。世紀が多名と 刑 幾項乙家於某 如 司 软 寫令分明 判 不說著 來 何 下狀係某 断以 互論甲家 逐 何斷 末後 人以所定事較 情 擬 甲 判俟 事 年某月某日有甚千 如 如 不 何 免 食 何 甲 時 先為實樣 因甚麽事 家 量 對已 即就 於某年某月某 初間定得幾箇 前 那 늘 子云 爭 事 厨 起到官 分 照計 辦 明 來 了 飮

庥 或大事 之當 云天下事體 看 知縣之善惡便見得如今做守令其弊百端豈能盡 不下然要省狀也不得若不受 細處理會將上始 間有 追 否全在這裏 斷當 ना 人便只依其所疑问 擬得是底並依其所 毵 固是 否或有未盡情節 卻合眾商量 見得只如 得日 說道當從原頭理會來也須是從 於人人皆 固 夘 是如做監司只管怕訟多措 申 入建陽受建陽民戸訟 此 詞訟何以 擬斷決合追 事 提 擬斷在後 知可惡無術 都了並 刑司去 有 知得守令 如此了卻 無壅滯楊 擬得未 人便 追 防 是 政 通

非产與製售格別。餘人 要了始得某為守 好在浸立程 並 胥常忙方得若自家被文字來叢了討頭不 詞某卻罷 便自有十日限卻交過通判審計司亦有 到 弊做官須是立 有可以白 有未了事一 州在法 了此 日或遲延 千沉滯底事 便是無頭腦須逐事 限他限日到自要苦苦邀索不得若是做 本州點對自有限 日訟詞 齊都要了大抵做官須是令自家常開吏 紀綱 日日 「 訟 詞 綱 明日是休日今日便刷起一 紦 月或遲延兩三月以邀 既立都自無事如諸縣發節 日如初間是本州磨算司 日著到合是第九日底訟 五日限今到 金 見吏胥便來 上海逐 旬

批 甚好後 使磨底磨得 司 審計司叉使 出理會 未 **曾作簿知其對於南** 延縣道 來 《審計司》 其所 即時 初間 Ħ úJ 5 子細畬底審得子細有新 知 決雨更後 得阻嚴也不被 吏 벤 番 欲方與呈 匪滿 /輩以《 鋑 是 没了某每 到倅廳 康 爲 綱 到 無甚緊 及 州 來卻每每及限雖欲 日 發 卻不見 到即 漳 **初過磨算司** 他邀 州 囘呈州星 要 皆 以法曉諭定 在漳州 索 到 用 |根究出 簿舊 限 如此等事 使 | 覆更 日 他這 押 人人又要 不 乃是変 邀 要 番錢 下 縣簿 般 同 如 法 也

送其數不萬朝廷詔令事事都如此無紀綱人人玩弛 俸給預先示 剃割戸 某在紹與有納助米人從縣保明到州州保明到監 可慮又日省部文字 子、自己は一手をはくなり 但變換名目多是做忌日去寺中焚香於是皆有所折 司方與申部忽然部中又行下 如不許州郡監司饋送幾番行下而州郡監司亦復 , 稅世世傳之又日前夜說上下視法令皆爲開 又日某人世為良宰云要緊處有八字開除民 | 弊看百弊之多只得嚴限以促之使他大段 到此只要 付之東守 日支蠹更不留未支 一文字來再令保明 一味邀索百端阻 ž 節 道

遂與逐 又日日與叔欲奏立四科 再作行 與利 .律等及行移 通 學德行則待州縣舉薦下三 面分許多項目如春秋則兼通 諸經所說樂處某看來樂處說也未盡 是法也待 其如何辟則令所屬長官舉辟器違云這也只是法 月末 兩行字配將 移 如 細申去云已 **助** 決判事又定為試辟未試 此申去某當時若 而行然這卻法意詳盡如今科學直 去 從 取士日德行日明經日政! 下 科卻許人投牒自試 便得這省吏在前即 保明訖奉委今來 傳禮 則以事授之 則遮三禮 一政事 則如 柴 明 事 時 則 經 因

行是說甚麽如誥宰相只須說數 見得須要整頓若 賢否定是了不得這事 學這須會好今未說士子且看朝廷許多奏表支離 产、思思うるとなり 先不是了今來欲教吏部與二 明復這般為人教導之官又須將科目盡 **香也著如此學在上若好學自見道** 日某舊時看只見天下如何有許多道理恁地多如 問今士人習為時文應舉如此須當有箇轉處否朱 箇道理 只有 一好學便與學舍選舉賢儒如胡安定 一箇學在下者也著如此 三郎自盡識得天下 理許多弊政 變了全 一理會 學在 亦白

云表奏之文下諛其上 心心念念要爭功名若 置吏費廩解教他做也須是當職底人怕道 須是要教人識些如今全然無此意如何恁地 叉日今教授之職只教人做科舉時文若 [真正老成士人多] 国馬元四十六 州便教林少穎這般 要來做甚麼皆是秀才皆非有古 了堂除及注授教官卻請本州鄉先 **書曾云若怕人都來赴大學試須思量士** 也語動之文上諛其下也 不教他你道他自做不做 不得大學就試大學緣此多不得 人做士子也歸心他教也必不 到 科舉時文 生爲

又於鄉舉額窄處增之則人人自安鄉里何苦都要入大 指揮自今大學並不許以恩例為免大學既無非望之恩 兵外有方伯連帥之兵內外相維緩急相制 义日今州郡無兵無權先王之制內有六鄉六遂都鄙之 令統領棟人 棄疾頗暗曉兵事云兵老弱不汰可慮向在湖南收茶 如此不就這處醫治卻只去理會其末今要好且明隆 或五六百人解送一人何其不平至於此自是做得 不就此整理更說甚 世紀とうとは 如此其易正試既優又有含選恩數既厚視諸 八要一可當十者押得來便看! 崩

他又著擁兵捍侮 **捍禦之兵為吾之計莫若分幾軍超關陝他必擁兵於關** 發得聚彼 州郡 他必擁兵於准北其他去處必空弱又使海道 迫得太急亦易變所以要調發甚難只有沿淮有許多 勢只綠廣人調發極難完顏要犯江南整整兩年方調 但所汰者 問 叉分幾軍向西京他必擁兵於西京叉分幾軍筀淮北 兵既弱皆以大軍 何 故如此云只揀得如此間有稍壯者 中雖是號令簡無此間許多周遮但彼中人纔 叉未有頓處某向見張魏公說以分兵殺虜 明光 吾密揀精銳幾萬在此度其勢力 可恃又如 此為今之計大段著 諸 三兵擣海 處借事去

加 产 但是 写客 人 会人 何得如同父云將今法制重新洗換一終當如何朱子日須有道理蔡日莫著 以某只受一方之命 兩段去又先下明詔使中原豪傑自為醫應是時魏 來 一也 改換得井牧其田民皆為兵若無人統率之其 沗 |間| 助 明得大段用力 被卒未 便 可以弱 何日只就這腔裏自有道理這 須有道理蔡日莫著改更法制日這 聚 丽 此事恐不能主之蔡云今兵政 益精銳萃於山東 已據 東總拔 番方好某看來 山東中原 而虜勢已截 相應不及 敗為 山如

無名 時 重更起一 輕減 放 直 得好這須是上之人 一个欲 額外錢 得 得脫淨這 加 戚 到 夜圖 至 他元 行古 不得為人君為 須一 須 五萬貫 耳 珥 水 肌膚處且如轉運使每年發十萬 制欲法三代煞隔霄壤今說為民滅放幾 更見得事體 襄方可以議 切從民 起而 [17] **謂大恩然未滅放那** 正 更新之方始得某在 切掃除妄費臥薪嘗 人臣又不以為急 口 **風凡所增名色** 古制如今民生日 又不相 五. 齊 萬 行在 膽合 除 負尙 困 頭只 盡 知

幾何 朱子嘗歎州縣官碌碌民無所告訴兼民情難知耳 此只是將甚麼人為耳目之寄 、日今做官人 分明決斷時豈可使有毫髮不盡又歎云民情難知如 日古者三公坐 命於史者這只是自家不見得道理事來都區處不 升程等学格のない 弄得慣熟卻見得高於他只得委任之 、看來如何明察亦多有不知者以此觀之若是見 不在民只在中間白乾消沒者何限 幾何 ,那箇不是道先著馭吏少問無有不拱 下面頭會箕斂以供上之求又有上 而論道方可子細說得如今 念

轨 奏對 退 北 人便著 有 案子令開展 君 送 臣如 E 時 得 事 | |天 ||天 ||天 對 案 某部看詳遷 便 乏時 細叉云 面許多 猶 何 有箇 了其他諸 宣 使 得 T. A. 區 在 **護過那得** 同心理會事六朝 直 刻 屬自 臣 處 當時 指置 略憑倚細 即 部有事皆 延 要理會事且如一 退文字麼 刑害上 子細 齊 便 都著在殿 可參考是 |如此豈| 說 指 亦知得 點且 於袖 時 如今公吏們呈文字相 倘 了或 間 有 說無坐位 非 事 下逐事付與某 不 對案畫 子細 只說得幾 屬 了 利 事 吏部其官 如今只 今 即時 一勅之 也 頃 句 施 刻 須 語 隨 便: 便

如今季 多事又云漢唐時御 日朝至於日中昃不遑 坂紙 但隨時延歲 同官商 子是學等格更能不 來說去何時得 來某自先寫起教諸 就這上理會爲得在這裏定了便不到推延若 便見得分明便了得此 臣進對頃刻 量皆逡巡泛泛無敢向前 兩三 月作 年 灾彈劾 如 履歷遷轉耳那時得事 而退人主可謂甚逸古人豈是 何得 殿食 了朝廷萬事只綠各家都不說要 用咸和萬民 人多抗聲直 同官各隨所 事少問若更有甚商 漳州 如此幾時得了於是 見寫出利害 华 日二 理會 日萬

譖愬 敢說說且不盡 如此如今若說 クニ、重点 一殿前司然後可發若有緊急事變如何待得許 所以都不為意外之防今樞密院號爲典兵倉卒之際 日本朝祖宗積累之深無意外倉卒之變惟無意外之 不如此有同諮愬看如今言事者雖所言皆是亦只類 三公都帶司馬及將軍所以倉卒之際便出得手立 要劾某人先榜於關外直指其名不許入朝這須是 馬使也沒討處今樞密要發兵須用去御前書 Ħ 是甚模樣六朝所載對案遭動下又云後 1 事要去一 人干委百曲多方為計而後 多節

復得親身看且得箇依稀樣子看是如何地如今有志節 擔當大事人亦須有平闆廣大之意始得致道云若做不 時使房人感慨謂中國有忠臣義士如此可以不必相 自若奈何如靖康李忠怒死於虜手亦可謂得其死但當 古人定大難者不知是如何不知范文正寇萊公人物生 得只得繼之以死而已曰固是事極也不愛一死但拚卻 子聖學考格人後八 得苗劉之事今人多賣之朱呂當時他也是自做未得 死於自身道理雖僅得之然恐無益於事其危亡傾頹 如何氣貌是如何平日飲食言語是如何樣底人今不 傾今幸無意外之變若或有之樞密且倉卒下 生

引 地 インコー 重点 美しい 日古之戰也 兵而 得甚事當死而死自是無可疑者 先遣 兼撒持老幼虜騎已迫必爲所追其勢終歸於死若 而後生當時廣騎大擁而至凡十餘萬諸將會議以日 世便只是爛殺將去劉錡順昌之捷亦只是投之死 死不若固守庶幾 退如此卻於宗 不能當然急渡江則朝廷兵守已自戒嚴必不 人約他某日戰虜人間其敢與我約戰大怒至 1 兩軍相對甚有禮有饋惠爲有飲酌爲不 暑月劉錡分部下兵五千為五 劜 可生遂開城門而守虜人人至劉 有盆若自身既死事變只如此 2

人眾多其立無縫僅能操戈更轉動不得 授之出南門如此數隊分諸門迭出迭入虜遂大敗緣虜 容手則未發直待熱如火不可容手乃換一隊軍至令喫 飯稍定 **迟** 常眾正熱甲盾 令人以手摸看熱得幾何如此數次其兜年與甲尚 聖學考格學卷入 掀其馬甲以斷其足一騎纔倒即壓數騎殺 而傷因 、與暑藥途各授兵出西門戰少頃又換一 酒 肉存在先以 中國之心遂從和議 即扶歸就藥調護遂以至專敵 如火流汗喘息煩悶而吾軍选 副兜半與甲置 皇 而我兵執斧直 一隊 毈

44 於濮王 珪議 夫問 對坐其子來喚所後父為父終不成又喚所生父為父 **馬終不成都喚兩人為父只緣眾人道** 是庚申年六月可惜此機不遂進 胡亂 是范鎮呂晦范純仁呂大防皆彈歐公但温公又 濮議朱子日歐公說不是韓公曾公亮和之温 云朕皇 邊禮 理不可試坐仁 如今有為 呼都不妨都 出三シグ 一兄僕安懿 數太游須於中自有斟酌 人後者一 宗於此亦坐濮王於此使英宗 不思量道理不可如 日所後之父與所生之 可也歐公之 死後 此先時

黄 當時只以此為據足矣亞夫問古禮自何褒起日自定陶 爭之不應當時濮廟之爭都是不爭好好讀古禮見得 八意思爲人後爲之子其義甚詳 、廟乃立定陶王蓋子行也孔光以尚書盤庚殷之兄 一時已壞了蓋成帝不立弟中山王以爲禮兄弟不得 以上葉質孫鍒 邨 卿將宰樂安論及均稅錢日今說道稅不出鄉要之 はこまい ニアスト ■/ハマ 重如何不出鄉得若教稅 今耳裏間得 不出鄉只是古人一時間尋得這 卻 把做箇大說話但只均稅錢也 不出州時庶幾稍均得 -說去防那

界方好叉日元稹均田圖惜乎不見今將他傳來考只有 十錢 ᠴ 便納米有地底便納絹只作兩鈔官 郡如何然畢竟是名目多後恁地據某說時只教 如此百姓與官司皆無許多勞攘又日三十年 段好嘗見陸宣公奏議後面說那口分世業其織悉學 聖母者明八治 須是更均稅物方得且 不是一發退了謂 而今便須是更均那稅物又日往在漳州 無 那 圖然 周世宗一見而喜之便欲行想見那圖 如春退了稅後秋又退苗卻不 如 福 州 辆 司亦只作 稅 錢 見有 番經 知

义日神宗大概 欲 職 日 事 殺之吳覺而免然卒稱 翁摭摘其失以為京但行得王安石之 以田為母人為子說得甚 司鑄許多雙令民四口買一五口則買二 世紀を行うに 所舉行者皆熙寧之政非元豐 看 林 了定是 勳 復元豐之政也 本政 日財用不 好 書句 用生事之人如吳居厚在京西括 不把作書讀今如 鄉開具若干字號 以上黃義剛 **旨其後如蔡京欲舉行神宗** 好 於養兵十分八分是 何 神 得有陸宣公樣秀 錄 加 田田下註 뜶 政而 自行之 其後民怨 民

甘節蘇 ラニ、里屋、オ 人兵今增添許多兵台當精練禁兵汰其老弱以 靖康 他用度止在二分之中古者刻剝之法本朝皆備 無名 朱子在漳州時教射及等同官擬判限日過呈又如 沤 劉 體大用天德王道 톎 之亂已前未有徐揚江鄂之兵止謂張宣 目理經學少類作教棄疾論兵均太學增州額除 前輩等說是當日留心政事實 正賦大臣從容論 明|||1 此廣大詳盡哉且其虛心景行 以貫之也若陸王亦有 政逐 事區處施行仰慕陸 (可推行) - 撫兵某 者 為廂兵 所謂 范

	4		-	1	1	1				
	朱子聖學考略卷八終							- ,	抱	賁
1	聖					!			矣	九
ţ.	學				1	}				令
4	石	i			i İ	}				俊皇
	然			:						字
7,	八				<u>}</u>					所
•	終									師
										範
•	!									陛
	七		 - -	j						崱
i	世					<u> </u>				俯
	姓									視
•										<u> </u>
•	孫				 	<u>.</u>		·		無
	芬弗								i	此
	重				ļ					意尤令後學知所師範陸王則俯視一切無此謙冲
	七世姪孫朱孫拂重校刋		 					!		押
	ブリ	·	· -	!	<u> </u>			-		懷